



**SLUŽBENI GLASNIK
NOGOMETNOG/FUDBALSKOG SAVEZA BOSNE I HERCEGOVINE**

NOGOMET/FUDBAL BIH

**DISCIPLINSKI PRAVILNIK
NOGOMETNOG/FUDBALSKOG SAVEZA
BOSNE I HERCEGOVINE**

Sarajevo, juni/lipanj 2023. godine

SADRŽAJ

I OPŠTI DIO

I Osnovne odredbe

strana br.

Predmet (čl. 1.).....	
Značenje izraza (čl. 2.).....	
Svrha kažnjavanja (čl. 3.).....	
Odgovornost za prekršaje (čl.4.).....	
Kažnjavanje za pokušaj (čl. 5.).....	
Pravo okrivljenog na saslušanje (čl. 6.).....	
Podstrekavanje i pomaganje (čl. 7.).....	
Nepoznavanje propisa (čl. 8.).....	
Subjekti disciplinske odgovornosti (čl. 9.).....	
Muški i ženski rod (čl. 10.).....	

II Disciplinske sankcije

Vrste sankcija (čl. 11.).....	
Opomena (čl. 12.).....	
Novčana kazna (čl. 13.).....	
Izvršenje novčane kazne (čl. 14.).....	
Zabrana igranja (čl. 15.).....	
Nadležnost vođenja disciplinskog postupka u vezi sa KUP takmičenjem i izdržavanje kazne (čl. 16.).....	
Automatska kazna (čl. 17.).....	
Zajedničke odredbe za izdržavanje kazne zabrane igranja i automatske kazne (čl. 18.) Javna opomena (čl. 19.).....	
Zabrana igranja utakmica u inostranstvu (čl. 20.).....	
Zabrana igranja utakmica na određenom stadionu ili stadionima određenog područja (čl. 21.)	
Zabrana igranja pred gledalaca (čl. 22.).....	
Zabrana odlaska navijača na gostujuće utakmice (čl.23.).....	
Oduzimanje bodova (čl. 24.).....	
Kazna negativnih bodova (čl. 25.).....	
Kažnjavanje kluba i njegovih timova (čl. 26.).....	
Vraćanje u niži/najniži stepen takmičenja (čl. 27.).....	
Zabrana suđenja (čl. 28.).....	
Zabrana registracije-transfera igrača (čl. 29.).....	
Zabrana vršenja funkcije (čl. 30.).....	
Smjenjivanje rukovodstva (čl. 31.).....	
Isključenje iz kluba (čl. 32.).....	
Isključenje iz nogometne/fudbalske organizacije (čl. 33.).....	

II Odmjeravanje kazne

Olakšavajuće i otežavajuće okolnosti (čl. 34.).....	
Odmjeravanje kazne za sticaj (čl. 35.).....	
Ublažavanje kazne (čl. 36.)	
Uslovno kažnjavanje (čl. 37.).....	
Teži prekršaj (čl. 38.).....	

Ponavljanje prekršaja (čl. 39.).....	
Potvrđivanje klupske kazne (čl. 40.).....	
Prekršaj na međunarodnim utakmicama (čl. 41.).....	
Odgovornost klubova za rad sportskih radnika kada ih predstavljaju (čl. 42.).....	
Povreda propisa i društveno sportskog vladanja (čl. 43.).....	
IV Zastarjelost	
Zastarjelost pokretanja i vođenja disciplinskog postupka (čl. 44.).....	
Zastarjelost izvršenja kazni (čl. 45.).....	
V Evidencije	
Evidencija o kazni (čl. 46.).....	

II POSEBNI DIO

I Nesportsko ponašanje i fizička sila

Nesportsko ponašanje (čl. 47.).....	
Gruba igra (čl. 48.).....	
Fizički napad (čl. 49.).....	
Fizički napad igrača na igrača za vrijeme igre (čl. 50.).....	
Fizički napad igrača na igrača van igre (čl. 51.).....	
Fizički napad igrača na službeno lice utakmice (čl. 52.).....	
Fizički napad igrača na sportskog radnika (čl. 53.).....	
Fizički napad igrača na gledaoca (čl. 54.).....	
Fizički napad sportskog radnika (čl. 55.).....	
Učestvovanje u tuči (čl. 56.).....	
Upotreba sile ili prijetnje prema službenom licu utakmice (čl. 57.).....	

II Slaba organizacija i neredi

Slaba organizacija utakmice (čl. 58.).....	
Upotreba pirotehničkih sredstava (čl. 59.).....	
Upotreba drona, lasera i drugih svjetlosnih efekata (čl. 60.).....	
Bacanje predmeta u ograđeni dio terena (čl. 61.)	
Neredi na stadionu (čl. 62.).....	
Prouzrokovanje štete na stadionu (čl. 63.).....	

III Prekidi i neodigravanje utakmica

Prekid utakmice od strane igrača ili sportskog radnika (čl. 64.).....	
Prekid utakmice od strane tima (čl. 65.).....	
Nagovaranje na prekid utakmice (čl. 66.).....	
Neodigravanje utakmice (čl. 67.).....	
Odustajanje od takmičenja (čl. 68.).....	

IV Prekršaji u vezi sa nastupanjem igrača i klubova te registracijom i ugovorima igrača

Neppravilno nastupanje igrača (čl. 69.).....	
Nastup suspendovanog kluba (čl. 70.).....	
Prekršaj u vezi sa registracijom igrača (čl. 71.).....	
Prekid ugovora bez opravdanog razloga (čl. 72.)	
Nepropisno zaključivanje ugovora (čl. 73.)	
Nepoštivanje ugovornih obaveza (čl. 74.).....	

V Neispunjavanje određenih obaveza i otežavanje rada

Neispunjavanje reprezentativnih obaveza (čl. 75.).....	
Otežavanje vođenja postupka (čl. 76.).....	
Zanemarivanje obaveza (čl. 77.).....	
Obmanjivanje i dovođenje u zabludu (čl. 78.).....	
Neizvršavanje odluke nadležnog organa (čl. 79.).....	
Propusti u vezi sa snimanjem utakmice (čl. 80.).....	

VI Prekršaji sa koruptivnim obilježjima

Učešće u neregularnosti (čl. 81.).....	
--	--

VII Prekršaji sa obilježjima diskriminacije

Vrijeđanje i klevetanje (čl. 82.).....	
Rasizam i drugi oblici diskriminacije (čl. 83.).....	

VIII Prekršaji u vezi sa kodeksom ponašanja, anti-dopingom i licenciranjem klubova

Prekršaji u vezi sa povredama kodeksa ponašanja i anti-doping (čl. 84.).....	
Neizvršavanje obaveza u postupku licenciranja klubova (čl. 85.).....	
Neizvršavanje obaveza u postupku licenciranja za UEFA-ina takmičenja (čl. 86.).....	

IX Prekršaji u vezi sa međunarodnim utakmicama

Nastup klupskog tima u inostranstvu bez odobrenja (čl. 87.).....	
Odigravanje utakmice u inostranstvu bez odobrenja kada se tim nalazi na turneji (čl. 88.).....	
Nanošenje štete ugledu NS/FS BiH i BiH tokom igranja i boravka u inostranstvu (čl. 89.).....	
Nepravilan nastup igrača na javnoj utakmici u inostranstvu (čl. 90.).....	

X Prekršaji službenih lica utakmice

Nedolazak na utakmicu (čl. 91.).....	
Nesportsko ponašanje (čl. 92.).....	
Nepravilno naplaćivanje troškova (čl. 93.).....	
Izjave u sredstvima informisanja (čl. 94.).....	
Uvreda i kleveta (čl. 95.).....	
Fizički napad službenog lica utakmice na drugoga (čl. 96.).....	
Obavljanje dužnosti pod suspenzijom ili kaznom (čl. 97.).....	
Neopravdan prekid utakmice (čl. 98.).....	
Poništena utakmica krivicom sudije (čl. 99.).....	
Netačan izvještaj sa utakmice (čl. 100.).....	

III

DISCIPLINSKI POSTUPAK

I Disciplinski organi

Disciplinska komisija NS/FS BiH (čl.101.).....	
Disciplinski organi entitetskih nogometnih/fudbalskih saveza (čl. 102.).....	
Disciplinski organi kantonalnih, županijskih i područnih nogometnih/fudbalskih saveza (čl. 103.)	
Disciplinski organi klubova (čl. 104.).....	
Izuzeće (čl. 105.).....	

Nezavisnost u odlučivanju (čl. 106.).....	
Povjerljivost (čl. 107.).....	

II Načela disciplinskog postupka

Osnovna načela disciplinskog postupka (čl. 108.).....	
---	--

III Pokretanje i tok postupka

Podnošenje prijave (čl. 109.).....	
Utvrdjivanje nadležnosti (čl. 110.).....	
Odbacivanje prijave (čl. 111.).....	
Rokovi (čl. 112.).....	
Saslušavanje okrivljenog (čl. 113.).....	
Sredstva dokazivanja (čl. 114.).....	
Obrana okrivljenog (čl. 115.).....	
Rok za okončanje prvostepenog postupka (čl. 116.).....	
Vrste odluka (čl. 117.).....	

IV Troškovi postupka

Troškovi postupka (čl. 118.).....	
-----------------------------------	--

V Suspenzija

Automatska suspenzija (čl. 119.).....	
Suspenzija na osnovu odluke disciplinskog organa u vezi sa finansijskim obavezama (čl. 120.)	
Suspenzija na osnovu odluke disciplinskog organa u vezi sa težim prekršajem (čl. 121.)	

VI Odluke disciplinskih organa

Pismena izrada odluke disciplinskog organa (čl. 122.).....	
Saopštavanje odluke prvostepenog disciplinskog organa (čl. 123.).....	
Greške u odluci disciplinskog organa (čl. 124.).....	

VII Žalbeni postupak

Subjekti prava na žalbu (čl.125.).....	
Postupak po žalbi na odluku prvostepenog organa (čl. 126.).....	
Upotpunjavanje prvostepenog postupka (čl. 127.).....	
Odluka drugostepenog disciplinskog organa (čl. 128.).....	

IV IZVRŠENJE PRAVOSNAŽNIH ODLUKA DRUGIH ORGANA

Odluke FIFA i UEFA (čl. 129.).....	
Proširenje dejstva izrečenih sankcija (čl.130.).....	
Odluke nadležnih komisija i komiteta (čl.131.).....	

V VANREDNI PRAVNI LIJEKOVI

I Ponavljanje postupka

Razlog za ponavljanje postupka (čl. 132.).....	
Subjekti i rok za prijedlog (čl. 133.).....	

Nadležni organ u ponavljanju postupka (čl.134.).....

II Vanredno ublažavanje kazne

Razlozi za ublažavanje kazne (čl. 135.).....

Molba za vanredno ublažavanje kazne i organ odlučivanja (čl. 136.).....

VI

PRELAZNE I ZAVRŠNE ODREDBE

Donošenje provedbenih propisa (čl. 137.).....

Primjena pravilnika (čl.138.).....

Stupanje na snagu (čl. 139.).....

Na osnovu člana 35. Statuta Nogometnog/Fudbalskog saveza Bosne i Hercegovine, Izvršni odbor Nogometnog/Fudbalskog saveza Bosne i Hercegovine, na sjednici održanoj dana 20.06.2023. godine, donosi

DISCIPLINSKI PRAVILNIK NOGOMETNOG/FUDBALSKOG SAVEZA BOSNE I HERCEGOVINE

I OPŠTI DIO

I Osnovne odredbe

Član 1. (Predmet)

Ovim Pravilnikom uređuje se disciplinska odgovornost pravnih i fizičkih lica Nogometnog/Fudbalskog saveza Bosne i Hercegovine (u daljem tekstu: NS/FS BiH), njegovih članova i klubova, propisuju povrede propisa u vezi sa nogometom/fudbalom, te mjere i sankcije za učinjene povrede, utvrđuju pravila disciplinskog postupka, kao i ostala pitanja u vezi sa disciplinskom odgovornošću.

Član 2. (Značenje izraza)

Pojmovi koji se koriste u ovom pravilniku imaju sljedeće značenje:

Utakmica: Prvenstvene utakmice i utakmice za Kup BiH svih klubova, odnosno njihovih timova koji učestvuju u organizovanom takmičenju.

Javna utakmica: Svaka utakmica koja se igra u okviru nekog takmičenja, a koja nema karakter prvenstvene ili utakmice za Kup BiH, kao i utakmica koja se javno oglašava putem sredstava javnog informisanja, bilo da je prijateljskog ili humanitarnog karaktera, ili utakmica koja donosi prihod u bilo kojem vidu.

Propisi: Statut, pravilnici, propozicije i svi drugi akti koji su doneseni od strane organa i nadležnih tijela NS/FS BiH, Pravila nogometne/fudbalske igre, pravilnici i odluke FIFA i UEFA za pitanja koja nisu riješena domaćim propisima ili imaju prednost u primjeni nad istim.

Sportski radnik: Svako lice, izuzev igrača, koje obavlja aktivnost vezanu za nogomet/fudbal u NS/FS BiH i njegovim članovima ili klubu, bez obzira na njegovu funkciju, status, vrstu aktivnosti koju obavlja (administrativna, sportska, tehnička, stručna i druga) i na trajanje te aktivnosti.

Službeno lice utakmice: Sudija, delegat, kontrolor suđenja i komesar za bezbjednost.

Prijavljeno lice: Lice protiv koga je podnesena prijava za pokretanje disciplinskog postupka dok nadležni disciplinski organ nije još odlučio da li će postupak i pokrenuti.

Okrivljeni: Lice protiv koga je pokrenut disciplinski postupak.

Kažnjeni: Lice za koje je pravosnažnom odlukom utvrđeno da je odgovorno za određeni prekršaj.

Član 3. (Svrha kažnjavanja)

Svrha disciplinskog kažnjavanja je sprečavanje budućeg činenja prekršaja, prevaspitanje igrača, sportskih radnika, službenih lica utakmice i klubova i jačanje morala, odgovornosti i discipline u primjeni i poštivanju propisa NS/FS BiH.

Član 4. (Odgovornost za prekršaje)

Ako ovim Pravilnikom nije drugačije propisano, prekršaji su kažnjivi bez obzira da li su počinjeni sa umišljanjem ili iz nehata.

Član 5. (Kažnjavanje za pokušaj)

(1) Disciplinski prekršaj ostao je u pokušaju kada je učinilac sa umišljanjem započeo ili dovršio prekršajnu radnju, ali štetna posljedica nije nastupila.

(2) Pokušaj je kažnjiv samo kod onih prekršaja za koje je u Pravilniku izričito propisano da će biti kažnjen za pokušaj.

(3) Učinilac prekršaja koji je ostao u pokušaju kažnjava se kaznom propisanom za prekršaj, a može se blaže kazniti.

Član 6. (Pravo okrivljenog na saslušanje)

(1) Niko ne može biti kažnjen prije nego što bude saslušan, osim u izuzetnim slučajevima predviđenim ovim Pravilnikom.

(2) Smatra se da je neko saslušan ako, na poziv nadležnog organa, dostavi pismenu izjavu.

(3) Ako učinilac prekršaja odbije da pristupi saslušanju, iako je uredno pozvan ili blagovremeno ne dostavi pismenu izjavu na zahtjev nadležnog organa, smatraće se kao da je saslušan.

Član 7. (Podstrekavanje i pomaganje)

Lice koje učestvuje u činjenju prekršaja, bilo kao podstrekač ili pomagač, biće kažnjeno kao da je prekršaj samo izvršilo.

Član 8.
(Nepoznavanje propisa)

Nepoznavanje Statuta, pravilnika i ostalih propisa Saveza nikoga ne opravdava i ne oslobađa odgovornosti.

Član 9.
(Subjekti disciplinske odgovornosti)

(1) Odredbe ovog Pravilnika će se primjenjivati na:

- a) igrače,
- b) klubove i njihove timove,
- c) sportske radnike i
- d) službena lica utakmice.

(2) Kazne će se izreći ako je u trenutku podnošenja prijave za pokretanje disciplinskog postupka učinilac prekršaja, još uvijek vezan za bilo koji segment NS/FS BiH i njegovih članova, odnosno da li je član kluba.

Član 10.
(Muški i ženski rod)

Odredbe ovog Pravilnika jednako se odnose na muški i ženski rod, bez obzira na upotrebu pojmova i izraza.

II Disciplinske sankcije

Član 11.
(Vrste sankcija)

(1) Za igrače:

- a) opomena,
- b) automatska kazna,
- c) novčana kazna,
- d) zabrana igranja,
- e) isključenje iz kluba,
- f) isključenje iz nogometne/fudbalske organizacije.

(2) Za klubove:

- a) opomena,
- b) novčana kazna,
- c) zabrana odigravanja utakmica u inostranstvu,
- d) zabrana igranja utakmica na određenom stadionu ili stadionima određenog područja,
- e) zabrana igranja pred gledaocima
- f) zabrana odlaska navijača na gostujuće utakmice,
- g) oduzimanje bodova,

- h) negativni bodovi,
- i) vraćanje u niži stepen takmičenja,
- j) zabrana registracije/transfera igrača.

(3) Za sportske radnike i službena lica utakmice:

- a) opomena,
- b) novčana kazna,
- c) zabrana suđenja,
- d) zabrana vršenja funkcije,
- e) smjenjivanje sa rukovodstva,
- f) isključenje iz kluba,
- g) isključenje iz nogometne/fudbalske organizacije.

**Član 12.
(Opomena)**

(1) Opomena se izriče kada je prekršaj učinjen pod okolnostima koje u znatnoj mjeri umanjuju odgovornost učinioca, tako da se može očekivati da će se ubuduće kloniti od vršenja prekršaja i bez izricanja propisane kazne.

(2) Pri odlučivanju da li će izreći opomenu, nadležni disciplinski organ će naročito uzeti u obzir ličnost učinioca, njegovu raniju aktivnost u sportu i doprinos nogometnom/fudbalskom sportu, njegovo ponašanje nakon učinjenog prekršaja, kao i ostale olakšavajuće okolnosti.

**Član 13.
(Novčana kazna)**

(1) Novčane kazne se izriču u konvertibilnim markama (KM) i plaćaju se u istoj valuti.

(2) Novčana kazna za igrače, sportske radnike i službena lica utakmice ne može biti manja od 500 KM, niti veća od 5.000 KM.

(3) Novčana kazna za klubove ne može biti manja od 1.000 KM, niti veća od 30.000 KM.

(4) Visinu novčane kazne za niži rang takmičenja utvrđuje izvršni odbor saveza nadležnog za rukovođenje tim rangom takmičenja.

(5) Visinu novčane kazne za javne opomene i isključenja utvrđuje svojom odlukom izvršni odbor saveza nadležnog za rukovođenje tim rangom takmičenja prije početka takmičarske sezone, a ako istu ne donese primjenjivaće se odluka iz prethodne takmičarske sezone.

(6) Kazne za takmičenja u omladinskom i ženskom nogometu/fudbalu i futsalu, iz stava 1. 2. i 3. ovog člana, ne mogu biti veće od polovine navedenih iznosa.

**Član 14.
(Izvršenje novčane kazne)**

(1) Rok plaćanja izrečene novčane kazne je 30 dana, računajući od dana pravosnažnosti odluke.

(2) Ukoliko izrečena novčana kazna ne bude plaćena u roku iz stava 1. ovog člana, nadležni disciplinski organ će pokrenuti postupak predviđen ovim Pravilnikom.

(3) Novčane kazne se uplaćuju na račun saveza koji rukovodi takmičenjem, u korist fonda za unapređenje omladinskog nogometa/fudbala odgovarajućeg saveza.

Član 15. (Zabrana igranja)

(1) Kazna zabrane igranja može biti:

- a) **vremenska** koja se izriče na pune mjesece, gdje period, za koji se izriče zabrana igranja, ne može biti kraći od jednog mjeseca niti duži od 24 mjeseca, ili
- b) **za određeni broj utakmica** koji ne može biti veći od 12.

(2) Igrač, kažnjen zabranom igranja za određeni vremenski period ne može nastupati na utakmicama prvenstvenog i kup takmičenja i drugim javnim utakmicama.

(3) Igrač koji je kažnjen kaznom za određeni vremenski period nema pravo nastupa na utakmicama nogometa/fudbala i futsala, bez obzira za koju vrstu takmičenja je kazna izrečena.

(4) Igrač koji je istovremeno registovan za nogomet/fudbal i futsal, izdržava kaznu zabrane igranja na određeni broj utakmica u odnosu na klub za koji je igrao kada je počinio prekršaj, a za vrijeme izdržavanja ove kazne može nastupati na utakmicama drugog kluba (nogometa/fudbala ili futsala).

(5) Ako igrač istovremeno nastupa za timove različitih uzrasta, kazna se računa prema timu u kome je nastupio kada je učinio prekršaj, s tim što sve vrijeme dok traje kazna ne može nastupati ni na utakmicama ostalih timova svoga kluba.

(6) Ako u tekućoj sezoni igrač mlađeg uzrasta gubi pravo nastupa za tim tog uzrasta, a kaznu ne izdrži u cjelosti, ostatak kazne će izdržati u timu starijeg uzrasta.

(7) Ako igrač u toku izdržavanja kazne pređe u drugi klub, kaznu će izdržati u novom klubu.

(8) Igrač kažnjen zabranom igranja, ne može se naći na utakmicama u službenom zapisniku, niti na terenu za igru, ni u sastavu vodstva kluba, kao ni na putovanju tima na utakmicu odnosno takmičenja.

(9) Kazna zabrane igranja iz stava (1) tačka a), ovog člana, istovremeno se primjenjuje kao kazna zabrane vršenja funkcije ili kazna zabrane suđenja određenog broja utakmica, ako kažnjeni istovremeno obavlja neku od funkcija u fudbalu/nogometu ili futsalu ili ima status sudije.

Član 16. (Nadležnost vođenja disciplinskog postupka u vezi sa KUP takmičenjem i izdržavanje kazne)

(1) Ukoliko je igrač, sportski radnik-član kluba ili klub počinio prekršaj na kup utakmici, vođenje disciplinskog postupka je u nadležnosti disciplinskog organa saveza koji rukovodi kup takmičenjem u kojem učestvuje taj klub.

(2) Izrečena kazna zabrane igranja se izdržava na prvoj narednoj utakmici kup takmičenja ili na prvoj narednoj prvenstvenoj utakmici.

Član 17. **(Automatska kazna)**

(1) Automatska kazna zabrane igranja jedne utakmice, izdržava se nakon dobijene treće javne opomene na različitim utakmicama istog takmičenja u toku jedne takmičarske sezone.

(2) Ako je igraču izrečena treća javna opomena na posljednjoj utakmici iz stava (1) ovog člana, automatsku kaznu zabrane igranja igrač izdržava počev od prve utakmice naredne takmičarske sezone.

(3) Ako igrač, nakon što su se stekli uslovi za izdržavanje automatske kazne zabrane igranja, pređe u drugi klub, istu će izdržati na prvoj utakmici kada stekne pravo nastupa za novi klub.

(4) Igrač koji istovremeno nastupa za timove različitih uzrasnih kategorija, automatsku kaznu zabrane igranja će izdržati u uzrasnoj kategoriji u kojoj je dobio tri javne opomene na različitim utakmicama istog takmičenja u toku jedne takmičarske sezone, ali za to vrijeme može nastupati za timove druge uzrasne kategorije.

(5) Ako je u vremenu između dvije utakmice, igrač, zbog godina starosti, izgubio pravo nastupa za tim mlađeg uzrasta, kaznu, iz stava (1) ovog člana, će izdržati na prvoj utakmici tima starije uzrasne kategorije.

(6) Ako je igrač nastupio na utakmici na kojoj nije imao pravo igranja zbog izdržavanja automatske kazne, smatraće se da je istu izdržao, s tim što će se u ovom slučaju utvđivati disciplinska odgovornost tog igrača, odgovornog službenog radnika i kluba.

Član 18. **(Zajedničke odredbe za izdržavanje kazne zabrane igranja i automatske kazne)**

(1) Kazna zabrane igranja i automatska kazna je izdržana na utakmici koja je odigrana po pravilima nogometne/fudbalske igre.

(2) Kaznu zabrane igranja i automatsku kaznu, igrač nije izdržao i kada nije nastupio na utakmici koja je registrovana službenim rezultatom, a zbog utvrđene odgovornosti njegovog tima.

(3) Igrač koji nije nastupio na utakmici, a koja je registrovana službenim rezultatom u korist njegovog kluba, izdržao je kaznu zabrane igranja utakmica i automatske kazne.

Član 19. **(Javna opomena)**

(1) Pod javnom opomenom smatraju se sve opomene koje sudija, primjenjujući pravila nogometne/fudbalske igre, izrekne pokazivanjem žutog kartona igračima, upisanim u zapisnik utakmice, od prvog do posljednjeg minuta utakmice odigranoj u punom trajanju uključujući produžetak i izvođenje kaznenih udaraca ili prekinute prije isteka vremena predviđenog pravilima nogometne/fudbalske igre.

(2) Sudija je dužan da delegatu prijavi svaku javnu opomenu koju je izrekao na utakmici kako bi iste bile unesene u zapisnik sa utakmice.

(3) Ako je utakmica prekinuta, javne opomene sa te utakmice se ne evidentiraju sve dok se ne donese konačna odluka o registraciji te utakmice ili eventualno, njenom ponovnom igranju.

(4) Ako je utakmica poništena i određeno njeno ponovno odigravanje javne opomene se poništavaju.

(5) Javne opomene dobijene u toku jedne takmičarske sezone se ne prenose u narednu takmičarsku sezonu, već se poništavaju.

(6) Javne opomene iz jedne vrste takmičenja se ne prenose u drugu vrstu takmičenja.

(7) Kada igrač u toku iste utakmice bude dva puta javno opomenut, a što rezultira njegovim isključenjem, pokazivanjem crvenog kartona, te javne opomene se automatski poništavaju.

(8) Klubovi su dužni da vode evidenciju opomenutih igrača.

(9) Nadležni takmičarski organi vode evidenciju opomenutih igrača, registruju opomene u svome zapisniku, objavljuju ih putem službenog saopštenja i kontrolišu izvršenje automatske kazne.

Član 20.

(Zabrana igranja utakmica u inostranstvu)

(1) Kazna zabrane igranja utakmica u inostranstvu ne može biti manja od jedne godine, niti veća od pet godina.

(2) Za vrijeme trajanja kazne iz prethodnog stava igrači i sportski radnici – članovi tog kluba, ne mogu gostovati u inostranstvu u bilo kojoj funkciji u vezi sa nogometnim/fudbalskim sportom.

(3) Igrači kažnjenog kluba mogu nastupiti isključivo kao članovi reprezentacije Bosne i Hercegovine.

Član 21.

(Zabrana igranja utakmica na određenom stadionu ili stadionima određenog područja)

(1) Kazna zabrane igranja utakmica na određenom stadionu ili stadionima određenog područja izriče se kao vremenska ili za određeni broj utakmica.

(2) Vremenska kazna zabrane igranja utakmica na određenom stadionu ili stadionima određenog područja ne može biti manja od tri mjeseca, niti veća od dvije godine, a kazna zabrane igranja određenog broja utakmica se izriče najviše do 12 utakmica.

(3) Uz kaznu, iz stava (1) ovog člana, kao glavnu, obavezno se izriče i novčana kazna od 1.000 KM do 5.000 KM.

(4) Za vrijeme izdržavanja kazne, kažnjeni klub će odigravati utakmice na zamjenskom stadionu koji ispunjava uslove utvrđene Pravilnikom o licenciranju klubova za učešće u takmičenju Premijer liga BiH i propozicijama predmetnog takmičenja, sve u skladu sa relevantnim propisima NS/FS BiH.

Član 22.

(Zabrana igranja pred gledaocima)

(1) Kazna zabrane igranja pred gledaocima se izriče za određenu tribinu ili cijeli stadion i to, kao vremenska, u kojem slučaju ne može biti manja od jednog mjeseca, niti veća od 12 mjeseci, ili za određeni broj utakmica koji ne može biti veći od 15 utakmica.

(2) Na utakmicama mogu biti prisutna samo sljedeća lica: službena lica utakmice, igrači i članovi oba kluba u skladu sa propozicijama datog takmičenja, sanitetske, vatrogasne i druge odgovarajuće tehničke službe (električna, vodoinstalaciona i sl.), s tim da će delegat odobriti neophodan broj ovih lica, djeca – sakupljači lopti, dovoljan broj redara, predstavnici sredstava informisanja (štampa, radio, televizija i sl.) sa urednim akreditacijama, po maksimalno 20 VIP gostiju oba kluba i djeca do 14 godina koja su članovi škola fudbala ili akademija (uz pratnju trenera) koji će biti pozvani da prisustvuju utakmici besplatno.

Član 23.
(Zabrana odlaska navijača na gostujuće utakmice)

Kazna zabrane odlaska navijača na gostujuće utakmice se izriče kao vremenska, u kojem slučaju ne može biti manja od jednog mjeseca niti veća od 12 mjeseci ili za određeni broj utakmica koji ne može biti veći od 15 utakmica.

Član 24.
(Oduzimanje bodova)

- (1) Kazna oduzimanja bodova ne može biti manja od 3 boda, ni veća od 24 boda.
- (2) Klubu, kažnjenom ovom kaznom, oduzimaju se bodovi od onih koje je osvojio do izricanja kazne.
- (3) Ukoliko klub, do izricanja ove vrste kazne nije osvojio dovoljan broj bodova, a da bi se kazna mogla izvršiti, ovi bodovi će se oduzeti od onih bodova koje klub osvoji do kraja takmičarske sezone.
- (4) Ako klub do kraja tekuće takmičarske sezone ne osvoji dovoljan broj bodova, čime bi bilo onemogućeno potpuno izvršenje ove kazne, ostatak kazne će se izvršiti od osvojenih bodova u narednoj takmičarskoj sezoni.

Član 25.
(Kazna negativnih bodova)

- (1) Kazna negativnih bodova ne može biti manja od 6 niti veća od 18 bodova.
- (2) Kazna iz stava (1) ovog člana se izriče ako se ocijeni da se neće ostvariti svrha kažnjavanja izricanjem kazne „**Oduzimanje bodova**“ iz člana 24. ovog Pravilnika, a zbog broja bodova koje je klub već osvojio u tekućem prvenstvu, položaja na tabeli ili vremenskog perioda u kojem se takmičenje nalazi kada se utvrđuje odgovornost i izriče kazna.

Član 26.
(Kažnjavanje kluba i njegovih timova)

Kada se kazna izriče klubu, ona se, u pravilu odnosi na onaj tim (seniori, juniori, kadeti, pioniri) na čijoj utakmici je učinjen prekršaj, ali se može odnositi i na cio klub, što nadležni disciplinski organ utvrđuje odlukom o kazni.

Član 27.
(Vraćanje u niži/najniži stepen takmičenja)

(1) Kazna vraćanja u niži/najniži stepen takmičenja podrazumijeva vraćanje kluba u prvi niži stepen takmičenja ili u najniži stepen takmičenja.

(2) Izuzetno, ako je klub po osnovu postignutih rezultata već ispao iz takmičenja ili je, po osnovu plasmana na tabeli, očigledno da će ispasti iz takmičenja, vratiće se za dva stepena niže takmičenja od ranga u kojem se nalazi ili se nalazio.

(3) Kazna vraćanja u najniži stepen takmičenja se izriče za najteže prekršaje koji su propisani ovim pravilnikom, a obavezno kada seniorski tim predmetnog kluba u toku takmičarske godine odustane od takmičenja.

Član 28.
(Zabrana suđenja)

(1) Kazna zabrane suđenja može biti:

a) **vremenska**, koja se izriče na pune mjesece i ne može biti kraća od jednog mjeseca niti duža od dvije godine, ili

b) **za određeni broj utakmica**, koji ne može biti veći od 6.

(2) Kazna zabrane suđenja za određeni vremenski period iz stava (1) tačka a), ovog člana, istovremeno se primjenjuje kao kazna zabrane igranja ili kazna zabrane vršenja funkcije, ako je kažnjeni registrovan kao igrač ili obavlja neku od funkcija u nogometu/fudbalu.

Član 29.
(Zabrana registracije-transfera igrača)

(1) Zabrana registracije-transfera igrača znači da kažnjeni klub ne može u određenom razdoblju registrovati nove igrače.

(2) Zabrana registracije igrača može se izreći za određeno vrijeme i to, u trajanju od jednog do tri mjeseca i primjenjuje se samo u razdoblju kada bi klub mogao registrovati nove igrače ili za određene registracijske periode i tada se može izreći kazna zabrane registracije-transfera igrača za najviše dva registracijska perioda.

(3) Ova kazna se odnosi na registracije igrača koji dolaze iz domaćeg ili inostranog kluba, ali se ne odnosi na prvu registraciju igrača.

(4) U slučaju da je ova kazna izrečena zbog prekršaja koji se odnosi na nepoštivanje obaveza, disciplinsko tijelo može ukinuti kaznu, ako klub učinilac prekršaja za vrijeme izdržavanja kazne ispuni svoju obavezu. U slučaju da učinilac ponovi istu vrstu prekršaja unutar razdoblja od dvije godine, disciplinsko tijelo će odrediti da se uz kaznu za novi prekršaj izdrži i preostali dio kazne koja je ukinuta.

Član 30.
(Zabrana vršenja funkcije)

(1) Kazna zabrane vršenja funkcije ne može biti manja od jednog mjeseca, niti veća od dvije godine, a izriče se na pune mjesece i godine.

(2) Lice kažnjeno ovom vrstom kazne ne može obavljati nikakvu funkciju u bilo kojem organu kluba ili tijelima saveza, na utakmici i dr. niti zastupati klub ili savez, odnosno njegova tijela u bilo kojoj funkciji za sve vrijeme trajanja kazne.

(3) Kazna zabrane vršenja funkcije se istovremeno primjenjuje kao kazna zabrane igranja ili kazna zabrane suđenja određenog broja utakmica, ako kažnjeni ima status igrača ili sudije.

Član 31. (Smjenjivanje sa rukovodstva)

Kazna smjenjivanja sa rukovodstva predstavlja uklanjanje sa položaja svih lica koja, prema statutu kluba ili druge nogometne/fudbalske organizacije, rukovode tim klubom, odnosno organizacijom.

Član 32. (Isključenje iz kluba)

(1) Ako je sportskom radniku ili igraču izrečena kazna isključenja iz kluba, tada on gubi status člana tog kluba.

(2) Odluku o isključenju iz kluba donose disciplinski organi tog kluba i na osnovu njegovih propisa.

(3) Odluka iz stava (2) ovog člana se objavljuje u Službenom glasniku NS/FS BiH „Nogomet/Fudbal BiH“, u suprotnom takva odluka neće proizvesti pravno dejstvo.

Član 33. (Isključenje iz nogometne/fudbalske organizacije)

(1) Kazna isključenja iz nogometne/fudbalske organizacije izriče se za teže prekršaje predviđene ovim Pravilnikom.

(2) Lice kažnjeno ovom vrstom kazne briše se iz članstva nogometne/fudbalske organizacije i ne može obavljati ni jednu funkciju u nogometu/fudbalu u BiH.

III Odmjeravanje kazne

Član 34. (Olakšavajuće i otežavajuće okolnosti)

(1) Za određeni prekršaj odmjeriće se kazna u propisanim granicama uzimajući u obzir sve okolnosti (olakšavajuće i otežavajuće) koje utiču da kazna bude veća ili manja, a koje postoje u konkretnom slučaju, a naročito težina učinjenog prekršaja i njegove posljedice, okolnosti pod kojima je prekršaj učinjen, stepen odgovornosti učinioca, pobude iz kojih je prekršaj učinjen, ranije ponašanje, držanje poslije učinjenog prekršaja, kao i druge okolnosti.

(2) Ukoliko je prekršaj učinio igrač mlađe uzrasne kategorije (junior, kadet, pionir) može se izreći blaža kazna od one koja je propisana za predmetni prekršaj.

Član 35.
(Odmjeravanje kazne za sticaj)

(1) Ako je učinilac jednom radnjom ili sa više radnji učinio više prekršaja, utvrdiće se prethodno kazna za svaki prekršaj i izreći jedinstvena kazna.

(2) U pogledu kazni iste vrste, jedinstvena kazna mora da bude veća od svake pojedinačne utvrđene kazne, ali ne smije da dostigne zbir utvrđenih kazni, niti preći najveću mjeru za tu vrstu kazne.

Član 36.
(Ublažavanje kazne)

(1) Ako prekršajem nisu prouzrokovane teže posljedice, a postoje takve olakšavajuće okolnosti koje ukazuju da će se i sa blažom kaznom postići svrha kažnjavanja, propisana kazna može se ublažiti na jedan od sljedećih načina:

a) izreći kaznu ispod najmanje mjere koja je propisana za taj prekršaj, ali ne i ispod najmanje mjere te vrste kazne,

b) umjesto propisane kazne izreći sljedeću blažu vrstu kazne,

c) umjesto više propisanih kazni različitih vrsta izreći jednu od tih kazni.

(2) Razlozi o ublažavanju kazne moraju se posebno istaći u obrazloženju odluke o izricanju kazne.

Član 37.
(Uslovno kažnjavanje)

(1) Uslovnom kaznom Disciplinska komisija NS/FS BiH učiniocu prekršaja utvrđuje kaznu i istovremeno određuje da se ona neće izvršiti ako učinilac prekršaja za vrijeme koje odredi Disciplinska komisija NS/FS BiH, a koje ne može biti kraće od šest mjeseci niti duže od dvije godine (vrijeme provjeravanja/kušnje), ne učini novi prekršaj.

(2) Pri odlučivanju o izricanju uslovne kazne Disciplinska komisija NS/FS BiH će, vodeći računa o svrsi uslovne kazne, posebno uzeti u obzir ličnost učinioca, njegovo ranije ponašanje, ponašanje poslije učinjenog prekršaja, stepen krivice i druge okolnosti pod kojima je prekršaj učinjen.

(3) Ako je učiniocu prekršaja utvrđena i novčana kazna kumulativno, uslovna kazna može se izreći za obje kazne ili za kaznu koja je izrečena uz novčanu.

Član 38.
(Teži prekršaj)

Za prekršaj, pri čijem izvršenju je učinilac postupio sa naročitom drskošću, upornošću, bezobzirnošću ili je prekršaj proizveo naročito teške posljedice, ili je učinjen pod naročito otežavajućim okolnostima, može se izreći veća kazna, do dvostruke visine propisane kazne ili stroža kazna.

Član 39.
(Ponavljanje prekršaja)

Ako se radi o učiniocu, koji je ranije dva ili više puta kažnjavan, a da od prethodno učinjenog prekršaja i novog prekršaja nije proteklo više od godinu dana, kao i u slučaju

da kod učinioca postoji sklonost ka činjenju prekršaja, može mu se pooštriti kazna do dvostruke mjere propisane kazne ili stroža kazna.

Član 40. (Potvrđivanje klupske kazne)

(1) Odluka o kazni koju izrekne disciplinski organ kluba djeluje samo unutar kluba.

(2) Da bi odluka o kazni, iz stava (1) ovog člana, djelovala u okviru nogometne/fudbalske organizacije, klub je dužan da u roku od osam dana, od dana pravosnažnosti njegove odluke, dostavi nadležnom disciplinskom organu prijedlog sa kompletnim spisom predmeta radi potvrđivanja izrečene kazne.

(3) Ako nadležni disciplinski organ potvrdi odluku iz stava (1) ovog člana, onda ona ima dejstvo kao svaka druga njegova odluka.

(4) Potvrđivanje klupske kazne odnosi se isključivo na kaznu zabrane igranja.

(5) Nadležni disciplinski organ ne može potvrditi kaznu koju je izrekao klub po završetku posljednje prvenstvene utakmice odgovarajuće takmičarske sezone.

Član 41. (Prekršaj na međunarodnim utakmicama)

(1) Za prekršaj koji učini igrač, službeno lice utakmice, sportski radnik i klub na međunarodnoj prijateljskoj utakmici u zemlji ili inostranstvu, disciplinski postupak provodi nadležni disciplinski organ saveza koji je, u skladu sa odredbama Pravilnika o nogometnim/fudbalskim takmičenjima, nadležan za odobravanje odnosno utakmice.

(2) Igrač isključen na utakmici koja se igra u okviru međunarodnih takmičenja odgovara prema propisima međunarodne organizacije koja rukovodi tim takmičenjem.

(3) Igrač, iz stava (2) ovog člana, koji nije suspendovan ili kažnjen posebnom odlukom nadležnog disciplinskog organa NS/FS BiH, ima pravo nastupa na utakmicama u BiH.

Član 42. (Odgovornost klubova za rad sportskih radnika – kada ih predstavljaju)

Za prekršaj koji izvrši sportski radnik, kao predstavnik svoga kluba, može biti odgovoran i taj klub.

Član 43. (Povrede propisa i društveno sportskog vladanja)

Učinioc prekršaja koji izričito nije predviđen ovim Pravilnikom, a predstavlja povredu propisa u vezi sa nogometom/fudbalom i prelazi uobičajene okvire dopuštene sportske i društvene djelatnosti, te ako ima u svojim obilježjima sličnosti sa jednim od prekršaja sadržanih u ovom Pravilniku, biće kažnjen odgovarajućom vrstom kazne propisanom za sličan prekršaj.

IV Zastarjelost

Član 44.

(Zastarjelost pokretanja i vođenja disciplinskog postupka)

(1) Disciplinski postupak ne može biti pokrenut, niti se može voditi ukoliko je od dana učinjenog prekršaja proteklo više od 12 mjeseci.

(2) Zastarjelost se prekida svakom radnjom nadležnog disciplinskog organa preduzetog radi vođenja disciplinskog postupka.

(3) Zastarjelost pokretanja i vođenja disciplinskog postupka, u svakom slučaju, nastupa kada proteknu dvije godine od učinjenog prekršaja.

(4) Zastarjelost pokretanja i vođenja disciplinskog postupka za prekršaje propisane "Pravilnikom o anti-dopingu NS/FS BiH" nastupa kada protekne osam godina od učinjenog prekršaja.

(5) Pokretanje i vođenje disciplinskog postupka za prekršaj iz člana 81. ovog Pravilnika i ostalih vidova korupcije ne zastarijeva.

Član 45.

(Zastarjelost izvršenja kazni)

Kazna se ne može izvršiti nakon protoka od 5 godina od dana pravosnažnosti odluke o kažnjavanju.

V Evidencije.

Član 46.

(Evidencija o kazni)

(1) Pravosnažne odluke o kazni upisuju se u registar kazni.

(2) Registar kazni vodi disciplinski organ, odnosno nadležno lice u savezu koji rukovodi odnosnim takmičenjem.

(3) Pravosnažne odluke o kazni brišu se iz registra kazni i smatraće se da učinilac prekršaja nije kažnjavao ako je:

a) kažnjen novčanom kaznom ili vremenskom kaznom zabrane do šest mjeseci ili zabranom igranja određenog broja utakmica, pa u toku jedne godine od izdržane ili ublažene kazne ne učini novi prekršaj,

b) kažnjen vremenskom kazne zabrane većom od šest mjeseci ili oduzimanjem bodova, pa u roku od tri godine od izdržane ili ublažene kazne ne učini novi prekršaj.

(4) Kazna isključenja iz nogometne/fudbalske organizacije i kazna vraćanja u niži ili najniži stepen takmičenja se ne brišu iz registra kazni.

(5) Brisanje kazni iz registra kazni vrši nadležni disciplinski organ po službenoj dužnosti ili na prijedlog kažnjenog.

II POSEBNI DIO

I Nesportsko ponašanje i fizička sila

Član 47. (Nesportsko ponašanje)

(1) Ko se nesportski ponaša prema igraču svog ili protivničkog tima, službenom licu utakmice, sportskom radniku i gledaocima u toku igre, poslije igre na terenu za igru ili van njega, biće kažnjen:

a) igrač, zabranom igranja do 6 utakmica i novčanom kaznom od 1.000 KM do 3.000 KM,

b) sportski radnik, zabranom vršenja funkcije do tri mjeseca i novčanom kaznom od 1.000 KM do 3.000 KM.

(2) Ako se prekršaj iz stava (1) ovog člana, okvalifikuje kao teži prekršaj ili se ponovi, biće kažnjen:

a) igrač, zabranom igranja do 10 utakmica i novčanom kaznom od 2.000 KM do 5.000 KM,

b) sportski radnik, zabranom vršenja funkcije do dvije godine i novčanom kaznom od 2.000 KM do 5.000 KM.

(3) Pod nesportskim ponašanjem podrazumijeva se: psovanje, pljuvanje, nepristojni gestovi, prigovaranje i prkošenje odlukama službenih lica utakmice, kao i izazivanje igrača svoga i protivničkog tima, sportskih radnika i gledalaca riječima, pokretima i gestovima, guranje, naguravanje, povlačenje za dres, kao i sve radnje koje mogu štetiti ugledu nogometa/fudbala.

Član 48. (Gruba igra)

(1) Igrač koji igra grubo biće kažnjen zabranom igranja do 8 utakmica i novčanom kaznom od 500 KM do 2.000 KM.

(2) Ako se prekršaj iz stava (1) ovog člana ponovi igrač će biti kažnjen zabranom igranja do šest mjeseci i novčanom kaznom od 1.000 KM do 2.000 KM.

(3) Igrač koji igra grubo pa povrijedi protivničkog igrača, biće kažnjen zabranom igranja od 6 do 12 utakmica i novčanom kaznom od 1.500 KM do 3.000 KM.

(4) Ako se prekršaj iz stava (3) ovog člana okvalifikuje kao teži prekršaj ili se ponovi, igrač će biti kažnjen zabranom igranja od tri mjeseca do godinu dana i novčanom kaznom od 2.000 KM do 5.000 KM.

(5) Pod **grubom igrom** podrazumijeva se dolaženje u dodir sa protivničkim igračem na nedozvoljen način ili način protivan postojećim pravilima nogometne/fudbalske igre, sa upotrebom prekomjerne snage kao i startovanje sa obje noge, podmetanje đona, saplitanje protivnika, neizbjegavanje povrede protivnika, odnosno prekoračenje samozaštite i sl.

Član 49.
(Fizički napad)

(1) **Fizički napad** je udarac određenim dijelom tijela ili nekim predmetom, ali ne guranje ili odgurivanje, osim u slučaju kada je onaj koji je fizički napadnut usljed guranja ili odgurivanja oboren na tlo.

(2) Obrazloženje iz stava (1) ovog člana primjenjivaće se u sljedećim članovima ovog Pravilnika: 49., 50., 51., 52., 53., 54., 55., 56. i 96.

(3) Ukoliko se ne može utvrditi ko je učinio prekršaj iz članova 49.-56., ali je utvrđeno iz kojeg je kluba, novčanom kaznom od 1.000 KM do 2.000 KM kaznit će se klub kojem učinilac pripada.

Član 50.
(Fizički napad igrača na igrača za vrijeme igre)

(1) Igrač, koji za vrijeme igre fizički napadne igrača, svog tima ili protivničkog, biće kažnjen zabranom igranja od 3 do 12 utakmica i novčanom kaznom od 1.000 KM.

(2) Ako se prekršaj iz stava (1) ovog člana okvalifikuje kao teži prekršaj ili se ponovi, igrač će biti kažnjen zabranom igranja od tri mjeseca do godinu dana i novčanom kaznom od 2.000 KM do 5.000 KM.

(3) Za pokušaj će biti kažnjen.

Član 51.
(Fizički napad igrača na igrača van igre)

(1) Igrač, koji na stadionu fizički napadne igrača, svoga ili protivničkog tima, prije utakmice ili poslije utakmice, biće kažnjen zabranom igranja od 1 do 5 utakmica i novčanom kaznom od 1.000 KM.

(2) Ako se prekršaj iz stava (1) ovog člana ponovi ili okvalifikuje kao teži prekršaj, a naročito u slučaju kada igrač nanese ili ima namjeru da nanese tjelesnu povredu, biće kažnjen zabranom igranja od tri mjeseca godinu dana i novčanom kaznom od 2.000 KM do 5.000 KM.

Član 52.
(Fizički napad igrača na službeno lice utakmice)

(1) Igrač, koji fizički napadne službeno lice utakmice prije utakmice, za vrijeme utakmice ili poslije utakmice, biće kažnjen zabranom igranja od šest mjeseci do godinu dana i novčanom kaznom od 1.000 KM.

(2) Ako se prekršaj iz stava (1) ovog člana okvalifikuje kao teži prekršaj ili se ponovi, igrač će biti kažnjen zabranom igranja od godinu dana do dvije godine i novčanom kaznom od 2.000 KM do 5.000 KM.

(3) Za pokušaj će biti kažnjen.

Član 53.
(Fizički napad igrača na sportskog radnika)

(1) Igrač, koji na stadionu fizički napadne sportskog radnika prije utakmice, za vrijeme utakmici ili poslije utakmice, biće kažnjen zabranom igranja od 3 do 12 utakmica i novčanom kaznom od 1.000 KM.

(2) Ako se prekršaj iz stava (1) ovog člana okvalifikuje kao teži prekršaj ili ponovi, igrač će biti kažnjen zabranom igranja od tri mjeseca do godinu dana i novčanom kaznom od 2.000 KM do 5.000 KM.

(3) Za pokušaj će biti kažnjen.

Član 54. (Fizički napad igrača na gledaoca)

(1) Igrač, koji fizički napadne gledaoca za vrijeme igre ili poslije završetka utakmice, biće kažnjen zabranom igranja od 3 do 12 utakmica i novčanom kaznom od 1.000 KM.

(2) Ako se prekršaj iz stava (1) ovog člana okvalifikuje kao teži prekršaj ili se ponovi, igrač će biti kažnjen zabranom igranja od tri mjeseca do godinu dana i novčanom kaznom od 2.000 KM do 5.000 KM.

(3) Za pokušaj će biti kažnjen.

Član 55. (Fizički napad sportskog radnika)

(1) Sportski radnik, koji fizički napadne igrača, sportskog radnika svoga ili protivničkog kluba ili gledaoca, biće kažnjen zabranom vršenja funkcije od šest mjeseci do godinu dana i novčanom kaznom od 1.000 KM do 2.000 KM.

(2) Ako je prekršaj iz stava (1) ovog člana učinjen prema funkcioneru nogometne/fudbalske organizacije, članu takmičarskog organa ili službenom licu utakmice, sportski radnik će biti kažnjen zabranom vršenja funkcije od godinu dana do dvije godine i novčanom kaznom od 1.000 KM do 2.000 KM.

(3) Ako se prekršaj iz stava (1) i (2) ovog člana okvalifikuje kao teži prekršaj ili se ponovi, sportski radnik će biti kažnjen isključenjem iz nogometne/fudbalske organizacije i novčanom kaznom od 2.000 KM do 5.000 KM.

(4) Za pokušaj će biti kažnjen.

Član 56. (Učestvovanje u tuči)

(1) Ko učestvuje u tuči na terenu za igru prije igre, za vrijeme igre ili poslije igre, biće kažnjen:

a) igrač, zabranom igranja najmanje 6 utakmica i novčanom kaznom od 1.000 KM,

b) sportski radnik, zabranom obavljanja funkcije od tri mjeseca do godinu dana i novčanom kaznom od 1.500 KM.

(2) Ako je tokom tuče nekom nanesena teška tjelesna povreda svaki od učesnika će biti kažnjen sa dvostrukom mjerom propisane kazne iz stava (1) ovog člana.

(3) Ako se prekršaj iz stava (1) ovog člana ponovi ili se okvalifikuje kao teži prekršaj, biće kažnjen:

a) igrač, zabranom igranja od tri mjeseca do godinu dana i novčanom kaznom od 2.000 KM,

b) sportski radnik, zabranom obavljanja funkcije od godinu dana do dvije godine i novčanom kaznom od 2.000 KM do 3.000 KM.

(4) Ko pokuša spriječiti tuču, zaštititi drugog ili razdvojiti one koji učestvuju u tuči neće biti kažnjen.

Član 57.

(Upotreba sile ili prijetnje prema službenom licu utakmice)

(1) Igrač ili sportski radnik, koji upotrijebi silu ili prijetnju radi vršenja pritiska na službeno lice utakmice, biće kažnjen:

- a) igrač, kaznom zabrane igranja od 3 do 6 utakmica i novčanom kaznom od najmanje 1.500 KM,
- b) sportski radnik, kaznom zabrane obavljanja funkcije od tri mjeseca do jedne godine i novčanom kaznom od najmanje 2.500KM,
- c) klub čiji je član počinitelj prekršaja, novčanom kaznom od najmanje 5.000 KM.

(2) Ako se prekršaj iz stava (1) ovog člana okvalifikuje kao naročito težak ili se ponovi, biće kažnjen:

- a) igrač, kaznom zabrane igranja od 6 do 12 utakmica i novčanom kaznom od najmanje 2.500 KM,
- b) sportski radnik kaznom zabrane obavljanja funkcije od jedne godine do dvije godine i novčanom kaznom od najmanje 3.500 KM,
- c) klub čiji je član učinilac prekršaja, novčanom kaznom od najmanje 10.000 KM.

(3) Za pokušaj će biti kažnjen.

II Slaba organizacija i neredi

Član 58.

(Slaba organizacija utakmice)

(1) Ako se utakmica ne organizuje u skladu sa važećim propisima, biće kažnjen:

- a) klub, novčanom kaznom od 1.500 KM do 3.000 KM i
- b) sportski radnik kao odgovorno lice u klubu, novčanom kaznom od 1.000 KM do 1.500 KM.

(2) Ako se prekršaj iz stava (1) ovog člana ponovi, biće kažnjen:

- a) klub, novčanom kaznom od najmanje 3.000 KM i
- b) sportski radnik kao odgovorno lice u klubu, novčanom kaznom od najmanje 1.500 KM.

Član 59.

(Upotreba pirotehničkih sredstava)

(1) Za upotrebu pirotehničkih sredstava na utakmici, bilo da su korištena na tribinama ili u ograđenom dijelu terena biće kažnjen:

- a) klub, novčanom kaznom od najmanje 2.000 KM i
- b) sportski radnik kao odgovorno lice u klubu, novčanom kaznom od najmanje 1.000 KM.

(2) Ako se prekršaj iz stava (1) ovog člana okvalifikuje kao naročito težak ili se ponovi, biće kažnjen:

- a) klub domaćin, novčanom kaznom do 10.000 KM i kaznom zabrane igranja pred gledaocima na tribini na kojoj su korištena pirotehnička sredstva u trajanju do najviše 15 utakmica, a sportski radnik kao odgovorno lice u klubu, kazniće se novčanom kaznom do 2.000 KM,
- b) **klub gost, novčanom kaznom do 10.000 KM i zabranom odlaska navijača na gostujuće utakmice u trajanju do 15 utakmica**, a sportski radnik kao odgovorno lice u klubu, kaznit će se novčanom kaznom do 2.000 KM.

(3) Pod pojmom **pirotehničkih sredstava** podrazumijevaju se: petarde, topovski udari, dimne kutije, baklje, bengalke i druge vrste sredstava sa manjom ili većom vatrenom ili eksplozivnom moći.

Član 60.

(Upotreba drona, lasera i drugih svjetlosnih efekata)

(1) Za upotrebu drona na utakmici biće kažnjen klub novčanom kaznom od 1.500 KM do 3.000 KM.

(2) Za upotrebu lasera i drugih svjetlosnih efekata na utakmici biće kažnjen klub novčanom kaznom od 1.500 KM.

Član 61.

(Bacanje predmeta u ograđeni dio terena)

(1) Za bacanje predmeta u ograđeni dio terena biće kažnjen klub novčanom kaznom od 1.000 KM do 3.000 KM.

(2) Ako se prekršaj iz stava (1) ovog člana okvalifikuje kao naročito težak ili se ponovi, biće kažnjen:

- a) klub domaćin, novčanom kaznom do 10.000 KM i/ili kaznom zabrane igranja pred gledaocima na tribini sa koje su ubačeni predmeti u trajanju do 15 utakmica,
- b) klub gost, novčanom kaznom do 10.000 KM i/ili zabranom odlaska navijača na gostujuće utakmice u trajanju do 15 utakmica.

Član 62.

(Neredi na stadionu)

(1) Ako se na stadionu, ili neposredno van stadiona za vrijeme igre, prije i poslije igre, dogode neredi koji su ugrozili fizički integritet učesnika utakmice ili uzrokovali veću materijalnu štetu na stadionu, a organizator utakmice nije preduzeo mjere da spriječi neredu ili ih nije preduzeo u dovoljnoj mjeri, biće kažnjen:

- a) klub, novčanom kaznom od 2.000 KM do 5.000 KM i
- b) sportski radnik kao odgovorno lice u klubu, novčanom kaznom najmanje 1.000 KM.

(2) Ako se prekršaj iz stava (1) ovog člana okvalifikuje kao teži prekršaj ili ako se ponovi, biće kažnjen:

- a) klub, oduzimanjem od 3 do 9 bodova, odnosno od 3 do 9 negativnih bodova i novčanom kaznom od 5.000 KM do 10.000 KM i
- b) sportski radnik kao odgovorno lice u klubu, zabranom vršenja funkcije od jedne do dvije godine i novčanom kaznom od 2.000 KM.

(3) Ako su neredi poprimili veću masovnost i prozrokovali takvu materijalnu štetu, pa je došlo do uznemirenja sportske i društvene javnosti i opšte osude, uz izrečene kazne iz stava (1) i (2) ovog člana, može se izreći kazna zabrane igranja pred gledaocima na određenoj tribini/tribinama ili cijelom stadionu ili zabrana igranja na određenom stadionu ili stadionima određenog područja ili zabrana odlaska navijača na gostujuće utakmice i to, u svim slučajevima, od 2 do 6 utakmica.

(4) Organ koji rukovodi takmičenjem može suspendovati stadion na kojem su se desili neredi, dok se u disciplinskom postupku ne donese konačna odluka, vodeći računa da taj postupak mora biti hitan.

(5) Fizički napad gledalaca na igrače, stručna, tehnička i službena lica utakmice, delegaciju i gledaoce protivničkog tima, smatra se težim prekršajem u smislu stavova (1) i (2) ovog člana.

(6) Ukoliko se utvrdi da je za neredu kriv gostujući klub ili njegovi navijači, primjenjuju se odredbe iz stavova (1) i (2) ovog člana.

Član 63. (Prouzrokovanje štete na stadionu)

(1) Ko prouzrokuje bilo kakvu štetu na stadionu prije, za vrijeme i nakon završetka utakmica, istu će biti dužan nadoknaditi na zahtjev oštećenog kluba, a najkasnije u roku od 30 dana od dana pravosnažnosti odluke Disciplinskog organa.

(2) Ukoliko se utvrdi da su za nastanak štete odgovorni navijači nekog od klubova, klub čiji su navijači prouzrokovali štetu biće dužan istu nadoknaditi na zahtjev oštećenog kluba, a najkasnije u roku od 30 dana od dana pravosnažnosti odluke Disciplinskog organa.

(3) Visina štete će se utvrđivati na osnovu činjenica iz zapisnika službenih lica utakmice, fotografija i drugog dokaznog materijala, te predračuna kompanije ovlaštene za popravku nastale štete.

III Prekidi i neodigravanje utakmica

Član 64. (Prekid utakmice od strane igrača ili sportskog radnika)

(1) Ako igrač ili sportski radnik izazove prekid utakmice koja ne bude nastavljena, biće kažnjen:

- a) igrač, zabranom igranja od 3 do 12 utakmica i novčanom kaznom od 1.000 KM do 2.000 KM.
- b) sportski radnik, zabranom obavljanja funkcije od tri mjeseca do godinu dana i novčanom kaznom od 1.000 KM do 2.000 KM.

(2) Ako se prekršaj iz stava (1) ovog člana okvalifikuje kao teži prekršaj ili se ponovi, biće kažnjen:

- a) igrač, zabranom igranja od šest mjeseci do godinu dana i novčanom kaznom od 2.000 KM,
- b) sportski radnik, zabranom obavljanja funkcije od godinu dana do dvije godine i novčanom kaznom od 2.000 KM do 3.000 KM.

Član 65.
(Prekid utakmice od strane tima)

(1) Ako je tim za vrijeme utakmice prouzrokovao nered zbog kojih je utakmica prekinuta ili je napustio teren za igru, pa utakmica nije nastavljena, klub će biti kažnjen oduzimanjem od 3 do 6 bodova, odnosno od 3 do 6 negativnih bodova i novčanom kaznom od 2.000 KM do 5.000 KM.

(2) Ako se prekršaj iz stava (1) ovog člana ponovi ili tim počini teži prekršaj, zbog čega je utakmica prekinuta i nije nastavljena, klub će biti kažnjen oduzimanjem od 6 do 12 bodova, odnosno od 6 do 12 negativnih bodova i novčanom kaznom od 5.000 KM do 10.000 KM.

Član 66.
(Nagovaranje na prekid utakmice)

(1) Igrač ili sportski radnik koji nagovara tim da iz bilo kojih razloga napusti teren ili da ne započne igranje utakmice, biće kažnjen:

- a) igrač, zabranom igranja od šest mjeseci do godinu dana i novčanom kaznom od 1.000 KM do 2.000 KM,
- b) sportski radnik, zabranom vršenja funkcije od šest mjeseci do godinu dana i novčanom kaznom od 1.000 KM do 2.000 KM.

(2) Ako se prekršaj iz stava (1) ovog člana ponovi, biće kažnjen:

- a) igrač, zabranom igranja od godinu dana do dvije godine i novčanom kaznom od 2.000 KM do 3.000 KM,
- b) sportski radnik, zabranom obavljanja funkcije od godinu dana do dvije godine i novčanom kaznom od 2.000 KM do 5.000 KM.

(3) Ako prihvate nagovaranje i teren napuste do četiri igrača, a ostali nastave igru, biće kažnjeni igrači koji su napustili teren zabranom igranja od šest mjeseci do godinu dana.

(4) Ako prihvate nagovaranje, pa teren napusti najmanje pet igrača, zbog čega se utakmica prekida, biće kažnjeni igrači koji su napustili teren zabranom igranja od godinu dana do dvije godine.

(5) Ako se prihvati nagovaranje pa cijeli tim napusti teren, odnosno ne otpočne utakmicu, pa ista bude prekinuta, klub će biti kažnjen oduzimanjem od 3 do 12 bodova odnosno od 3 do 12 negativnih bodova.

Član 67.
(Neodigravanje utakmice)

(1) Klub, čiji tim neopravdano ne nastupi na prvenstvenoj utakmici, biće kažnjen oduzimanjem od 3 do 12 bodova, odnosno od 3 do 12 negativnih bodova.

(2) Klub, čiji tim neopravdano ne nastupi na kup utakmici, biće kažnjen novčanom kaznom najmanje 5.000 KM.

(3) Ako klub neopravdano ne dođe na ugovorenu javnu utakmicu, odnosno ne odigra utakmicu prijateljskog karaktera, biće kažnjen novčanom kaznom do 5.000 KM, uz obavezu nadoknade troškova nastalih zbog organizovanja utakmice, čiju visinu utvrđuje disciplinski organ na zahtjev oštećenog kluba.

(4) Ako se ugovorena javna ili utakmica prijateljskog karaktera ne odigra, a utvrdi se odgovornost kluba domaćina, klub će se pored novčane kazne kazniti oduzimanjem od 3 do 6 bodova.

Član 68. (Odustajanje od takmičenja)

(1) Klub, koji neopravdano odustane od prvenstvenog takmičenja, biće kažnjen vraćanjem u najniži stepen takmičenja i kaznom od 6 do 12 negativnih bodova.

(2) Klub, koji neopravdano odustane od takmičenja za Kup BiH, biće kažnjen novčanom kaznom do 10.000 KM.

IV Prekršaji u vezi sa nastupanjem igrača i klubova te registracijama i ugovorima igrača

Član 69. (Nepravilno nastupanje igrača)

(1) Ako igrač nastupi na utakmici, a da prema odredbama Pravilnika o nogometnim/fudbalskim takmičenjima BiH i propozicijama odnosno takmičenja nije imao pravo nastupa, biće kažnjen:

- a) igrač, zabranom igranja od 6 do 12 utakmica i novčanom kaznom od 1.000 KM do 2.000 KM,
- b) klub, oduzimanjem od 3 do 9 bodova, odnosno oduzimanjem od 3 do 9 negativnih bodova i novčanom kaznom od 2.000 KM do 5.000 KM.

(2) Pod izrazom **nastupio**, u smislu ovog člana, pored igrača koji su nastupili u igri, ne podrazumijevaju se rezervni igrači upisani u zapisnik sa utakmice koji nisu učestvovali u igri, a što se ne odnosi na igrače iz zapisnika sa utakmice futsala.

Član 70. (Nastup suspendovanog kluba)

(1) Ako klub koji se nalazi pod suspenzijom ili kaznom nastupi na javnoj utakmici, biće kažnjen oduzimanjem od 3 do 6 bodova, odnosno kaznom od 3 do 6 negativnih bodova.

(2) Ako se prekršaj iz stava (1) ovog člana ponovi, klub će biti kažnjen oduzimanjem od 6 do 12 bodova, odnosno kaznom od 6 do 12 negativnih bodova.

(3) Kazna iz stavova (1) i (2) ovog člana će se primijeniti i na klub koji nastupi protiv suspendovanog ili kažnjenog kluba, ako je blagovremeno, a najkasnije 48 sati prije odigravanja utakmice, pismeno obaviješten o suspenziji ili kazni.

Član 71. (Prekršaj u vezi sa registracijom igrača)

(1) Ko daje lažne, netačne ili nepotpune podatke bitne za pravilnu registraciju, prepravlja ili unosi netačne podatke u dokumenta potrebna za registraciju, istovremeno se registruje za dva ili više klubova ili na bilo koji drugi način obmane svoj ili drugi klub

i nadležni organ za registraciju, a u vezi sa registrovanjem i nastupom na utakmici, biće kažnjen:

- a) igrač, zabranom igranja od tri mjeseca do godinu dana,
- b) sportski radnik, zabranom vršenja funkcije od tri mjeseca do godinu dana,
- c) klub, oduzimanjem od 3 do 9 bodova, odnosno kaznom od 3 do 9 negativnih bodova.

(2) Sportski radnik, član organa za registraciju, koji je znao za bilo koju nepravilnost iz stava (1) ovog člana, pa je prećutao, biće kažnjen zabranom vršenja funkcije u trajanju od jedne do dvije godine.

(3) Za pokušaj će biti kažnjen.

Član 72.

(Prekid ugovora bez opravdanog razloga)

(1) Igrač koji bez opravdanog razloga prekine ugovor s klubom tokom zaštićenog perioda i to bude potvrđeno pravosnažnom odlukom komisije/komiteta za status i transfer igrača, kazniće se zabranom igranja u trajanju od 4 mjeseca, a u težem slučaju zabranom igranja u trajanju od 6 mjeseci.

(2) Klub koji je bez opravdanog razloga prekinuo ugovor s igračem ili koji je poticao igrača na raskid ugovora tokom zaštićenog perioda kazniće se zabranom registracije igrača u trajanju od dva registracijska perioda.

(3) Ukoliko se ne utvrdi drugačije, smatra se da je klub koji je zaključio ugovor s igračem koji je svoj raniji ugovor prekinuo unutar zaštićenog perioda, potaknuo tog igrača na raskid ugovora.

Član 73.

(Nepropisno zaključivanje ugovora)

Ako profesionalni igrač zaključi ugovor sa nekim drugim klubom, a njegov ugovor sa aktuelnim klubom nije istekao ili ne ističe u roku od narednih šest mjeseci, biće kažnjen novčanom kaznom od 3.000 KM.

Član 74.

(Nepoštivanje ugovornih obaveza)

(1) Klub koji duže od 30 dana kasni sa ispunjavanjem finasijskih obaveza prema igračima, trenerima i drugim klubovima, prema uslovima utvrđenim ugovorima s igračima, trenerima, odnosno ugovorima o transferu i te obaveze nije ispunio niti u dodatnom roku koji mu je ostavio vjerovnik (igrač ili klub), kazniće se:

- a) opomenom,
- b) novčanom kaznom od 2.000 KM do 5.000 KM,
- c) zabranom registracije novih igrača za jedan ili dva uzastopna registracijska perioda.

(2) Kazne iz stava (1) ovog člana mogu se primjenjivati kumulativno.

(3) Ukoliko kažnjeni klub nakon izrečene kazne ispunio obavezu, kazna zabrane registracije novih igrača može se ukinuti. U slučaju da kažnjeni klub ponovi prekršaj iz ovog člana unutar razdoblja od dvije godine nakon ukinute kazne, Disciplinska komisija NS/FS BiH će odrediti da se uz kaznu za novi prekršaj izdrži i preostali dio kazne koja je ukinuta.

(4) Činjenje prekršaja iz ovog člana ne isključuje mogućnost istovremenog činjenja prekršaja raskida ugovora iz neopravdanog razloga.

V Neispunjavanje određenih obaveza i otežavanje rada

Član 75.

(Neispunjavanje reprezentativnih obaveza)

(1) Igrač, koji se neopravdano ne odazove pozivu u vezi sa obavezama bilo koje reprezentativne selekcije BiH ili samoinicijativno prekine sa ispunjavanjem zadatih obaveza, biće kažnjen zabranom igranja od 2 do 6 utakmica i novčanom kaznom od 2.000 KM do 5.000 KM.

(2) Igrač ili sportski radnik koji nagovori igrača da učini prekršaj iz stava (1) ovog člana, biće kažnjen:

- a) igrač, zabranom igranja od od tri mjeseca do godinu dana,
- b) sportski radnik, zabranom vršenja funkcije od tri mjeseca do godinu dana.

(3) Ako klub preko svojih članova ili na bilo koji drugi način doprinese da njegov igrač počinu prekršaj iz stava (1) ovog člana, biće kažnjen novčanom kaznom od 5.000 KM do 20.000 KM.

Član 76.

(Otežavanje vođenja postupka)

(1) Ko otežava vođenje disciplinskog postupka prikazivanjem lažnih činjenica i davanjem netačnih podataka biće kažnjen:

- a) igrač i sportski radnik, novčanom kaznom od 1.000 do 2.000 KM,
- b) klub, novčanom kaznom od 2.000 do 5.000 KM.

(2) Zbog neodazivanja na poziv disciplinskog organa, ako je saslušanje neophodno radi utvrđivanja činjeničnog stanja, disciplinski organ može izreći suspenziju do okončanja disciplinskog postupka.

Član 77.

(Zanemarivanje obaveza)

Ko prema nadležnim tijelima, koja pripadaju organizacijskoj strukturi NS/FS BiH i njenim članovima, zanemaruje svoje obaveze u smislu da ne dostavi određenu dokumentaciju prema propisima o registraciji klubova i igrača i statusu i transferu igrača, kao i druga dokumenta i formulare predviđene pravilnicima i propozicijama o takmičenju, kasni u isplati troškova službenim licima utakmice, ne prijavi javnu utakmicu i turnir ili ih neblagovremeno prijavi, kasni u dostavljanu raznih izvještaja i drugih pismena i dokumenata što nadležnim tijelima otežava rad, te ne izvršava ažurno i sve druge dužnosti i obaveze koje proističu iz nogometnih/fudbalskih propisa, biće kažnjen:

- a) igrač, zabranom igranja od 2 do 6 utakmica,
- b) sportski radnik, zabranom vršenja funkcije od 3 do 12 mjeseci,
- c) službeno lice utakmice, novčanom kaznom do 2.000 KM,
- d) klub, novčanom kaznom od 2.000 KM do 5.000 KM ili **zabranom registracije novih igrača za jedan ili dva uzastopna registracijska perioda.**

Član 78.
(Obmanjivanje i dovođenje u zabludu)

(1) Ako igrač, službeno lice utakmice, sportski radnik ili klub, daje lažne, netačne ili nepotpune podatke ili u zapisnik sa utakmice unese takve podatke i time obmane nadležni takmičarski organ pri utvrđivanju činjeničnog stanja zbog čega se može donijeti nepravilna odluka, daje takve podatke bitne za stručno-pedagoški rad, a što je od značaja za klub u odgovarajućem uzrasnom stepenu takmičenja, falsifikuje dokument i isti koristi kao pravi, lažno se predstavi ili na bilo koji drugi način drugoga obmane i dovede u zabludu, biće kažnjen:

- a) igrač i sportski radnik, novčanom kaznom od 1.000 KM do 2.000 KM,
- b) službeno lice utakmice, novčanom kaznom do 3.000 KM,
- c) klub, novčanom kaznom od 2.000 KM do 5.000 KM,

(2) Ako se prekršaj iz stava (1) ovog člana ponovi ili se okvalifikuje kao teži prekršaj, biće kažnjen:

- a) igrač, zabranom igranja od tri mjeseca do godinu dana,
- b) sportski radnik, zabranom vršenja funkcije od jedne do dvije godine
- c) službeno lice utakmice, zabranom vršenja funkcije do četiri mjeseca,
- d) klub, oduzimanjem od 3 do 9 bodova, odnosno kaznom od 3 do 9 negativnih bodova.

(3) Za pokušaj će biti kažnjen.

Član 79.
(Neizvršavanje odluke nadležnog organa)

(1) Ko ne izvršava odluke i naređenja nadležnog nogometnog/fudbalskog organa, biće kažnjen:

- a) klub, novčanom kaznom od 2.000 KM do 5.000 KM,
- b) sportski radnik, zabranom vršenja funkcije od tri mjeseca do godinu dana.

(2) Ako se prekršaj iz stava (1) ovog člana ponovi ili se okvalifikuje kao teži prekršaj, biće kažnjeni:

- a) klub, oduzimanjem od 2 do 6 bodova ili kaznom od 2 do 6 negativnih bodova,
- b) sportski radnik, zabranom vršenja funkcije od šest mjeseci do godinu dana.

Član 80.
(Propusti u vezi sa snimanjem utakmice)

(1) Ako klub ne snimi utakmicu koju je obavezan snimiti ili je snimi, a video materijal ne dostavi nadležnom organu u propisanom roku ili ga dostavi u neispravnom i neupotrebljivom stanju, te ako onemoguću gotujućem klubu tehničko snimanje utakmice, biće kažnjen novčanom kaznom od 2.000 KM do 5.000 KM.

(2) Ako se prekršaj iz stava (1) ovog člana ponovi, klub će biti kažnjen novčanom kaznom od 5.000 KM do 10.000 KM.

VI Prekršaji sa koruptivnim obilježjima

Član 81. (Učešće u neregularnosti)

(1) Ako igrač, sportski radnik, službeno lice utakmice ili klub u svoje ime ili u ime i za korist treće strane, u direktnom kontaktu ili preko drugog nagovara, obećava ili pruža poklone ili bilo koju drugu materijalnu i nematerijalnu korist, kako igrač ne bi igrao prema svojim mogućnostima i znanju, te kako bi lažirao jednu ili više utakmica na štetu svog kluba, a u korist trećeg, odnosno da igrač, sportski radnik ili službeno lice utakmice učini bilo što protivno važećim propisima ili da ne čini ono što im propisi i društvene norme nalažu, a u vezi sa bilo kojom vrstom neregularnosti, biće kažnjen:

- a) igrač, zabranom igranja od šest mjeseci do jedne godine,
- b) sportski radnik i službeno lice utakmice, zabranom vršenja funkcije od šest mjeseci do jedne godine,
- c) klub, oduzimanjem od 6 do 18 bodova, odnosno od 6 do 18 negativnih bodova.

(2) Ako bilo ko bude nagovoren, prihvati poklon ili bilo koju materijalnu i nematerijalnu korist i počinji prekršaj iz stava (1) ovog člana ili na drugi način učestvuje u neregularnosti, biće kažnjen po tačkama navedenog stava.

(3) Ako se prekršaj iz stava (1) i (2) ovog člana ponovi ili se okvalifikuje kao teži prekršaj, biće kažnjen:

- a) igrač, zabranom igranja od jedne do dvije godine ili isključenjem iz nogometne/fudbalske organizacije,
- b) sportski radnik i službeno lice utakmice, zabranom vršenja funkcije od jedne do dvije godine ili isključenjem iz nogometne/fudbalske organizacije
- c) klub, vraćanjem u prvi niži stepen takmičenja i kaznom od 6 do 18 negativnih bodova.

(4) Ako je igrač ili bilo koji sportski radnik, svjedok nagovaravanja, obećanja, davanja i primanja bilo kakve koristi u vezi sa neregularnostima u nogometu/fudbalu, a svoja saznanja o tome ne prijavi nadležnim organima, biće kažnjen kao i da je sam počinio taj prekršaj.

(5) Uz kazne iz stavova (1), (2) i (3) ovog člana, izreći će se i novčana kazna u skladu sa članom 13. ovog Pravilnika.

(6) Za pokušaj će biti kažnjen.

VII Prekršaji sa obilježjima diskriminacije

Član 82. (Vrijeđanje i klevetanje)

(1) Igrač, sportski radnik ili klub, koji vrijeđa, ponižava, omalovažava, kleveta ili širi neistine o klubovima, pojedincima, takmičarskim organima ili bilo kojem, drugom organu NS/FS BiH, biće kažnjen:

- a) igrač, novčanom kaznom od 1.000 KM do 3.000 KM,
- b) sportski radnik, novčanom kaznom od 1.000 KM do 3.000 KM,
- c) klub, novčanom kaznom od 3.000 KM do 5.000 KM,

(2) Ako se prekršaj iz stava (1) ovog člana ponovi ili se okvalifikuje kao teži prekršaj, biće kažnjen:

- a) igrač, zabranom igranja od tri mjeseca do jedne godine,
- b) sportski radnik, zabranom vršenja funkcije od tri mjeseca do dvije godine,
- c) klub, oduzimanjem od 3 do 12 bodova, ili kaznom od 3 do 12 negativnih bodova.

(3) Pod težim prekršajem smatraće se, naročito ako su pri radnji izvršenja korištena sredstva javnog informisanja, ako je prekršaj počinjen pred utakmicu, za vrijeme i poslije utakmice, na stadionu ili u neposrednoj blizini stadiona i slično.

Član 83. (Rasizam i drugi oblici diskriminacije)

(1) Ko javno vrijeđa ljudsko dostojanstvo drugog po osnovu rase, boje, nacije, religije, jezika ili počinji neki drugi diskriminirajući čin ili pokazuje vidove ekstremističke ideološke propagande, kao i ko ističe simbole ili geste političkog karaktera, biće kažnjen:

- a) igrač, zabranom igranja od 3 do 9 utakmica i novčanom kaznom od 1.000 KM do 3.000 KM,
- b) sportski radnik, zabranom vršenja funkcije od 3 do 6 mjeseci i novčanom kaznom od 1.000 KM do 3.000 KM,
- c) službeno lice, novčanom kaznom od 1.000 KM do 3.000 KM,
- d) klub, novčanom kaznom od 3.000 KM do 10.000 KM.

(2) Ako se prekršaj iz stava (1) ovog člana ponovi ili se okvalifikuje kao teži prekršaj, biće kažnjen:

- a) igrač, zabranom igranja od tri mjeseca do godinu dana i novčanom kaznom od 3.000 KM do 5.000 KM
- b) sportski radnik, zabranom vršenja funkcije od tri mjeseca do godinu dana i novčanom kaznom od 3.000 KM do 5.000 KM
- c) službeno lice, zabranom vršenja funkcije od tri mjeseca do dvije godine i novčanom kaznom od 3.000 KM do 5.000 KM,
- d) klub domaćin, novčanom kaznom do 30.000 KM i/ili kaznom zabrane igranja pred gledaocima na tribini na kojoj je počinjen prekršaj u trajanju do 15 utakmica,
- e) klub gost, novčanom kaznom do 30.000 KM i/ili zabranom odlaska navijača na gostujuće utakmice u trajanju do najviše 15 utakmica.

(3) Kao teži prekršaj smatraće se, naročito, ako je počinjen zajedno od strane dva ili više igrača, zajedno sa sportskim radnicima, članovima kluba, gledaocima i slično.

(4) Gledaocu, kome se utvrdi odgovornost za prekršaj iz stavova (1) i (2) ovog člana, biće izrečena mjera zabrane ulaska na bilo koji stadion.

(5) Ako gledaoci na utakmici pokazuju natpise i simbole koji javno vrijeđaju ljudsko dostojanstvo po osnovu rase, boje, nacije, religije, jezika ili počinje neki drugi diskriminirajući čin ili pokazuju vidove ekstremističke ideološke propagande ili ističe simbole ili geste političkog karaktera, klub za kojeg gledaoci navijaju biće kažnjen novčanom kaznom od 3.000 KM do 30.000 KM i zabranom igranja do 15 domaćih utakmica pred gledaocima na određenoj tribini ili na čitavom stadionu ili zabranom odlaska navijača do 15 gostujućih utakmica.

VIII Prekršaji u vezi sa kodeksom ponašanja, anti-dopingom i licenciranjem klubova

Član 84.

(Prekršaji u vezi sa povredama kodeksa ponašanja i anti-doping)

(1) Ko učini prekršaj propisan „Pravilnikom o anti-dopingu NS/FS BiH“ biće kažnjen u skladu sa odredbama tog Pravilnika.

(2) Ko učini prekršaj propisan Kodeksom ponašanja članova nogometne/fudbalske organizacije biće kažnjen u skladu sa odredbama tog Kodeksa i ovog Pravilnika.

(3) Sportski radnici, na koje se odnosi Kodeks o ponašanju, koji prekrše neku od odredbi Kodeksa, a to ne predstavlja neki drugi prekršaj opisan u ovom Pravilniku kaznit će se:

- a) klub, novčanom kaznom od 2.000 KM do 5.000 KM,
 - b) igrač, zabranom igranja do 6 utakmica i novčanom kaznom od 1.000 KM,
 - c) sportski radnik, novčanom kaznom od 1.000 KM do 2.000 KM i zabranom obavljanja funkcije do 6 mjeseci,
 - d) službeno lice, novčanom kaznom od 1.000 KM do 2.000 KM i zabranom obavljanja funkcije do 6 mjeseci.
- (4) U ponovljenom slučaju biće kažnjen:
- a) klub, novčanom kaznom od 5.000 KM do 10.000 KM,
 - b) igrač, zabranom igranja do 12 utakmica i novčanom kaznom od 3.000 KM,
 - c) sportski radnik, kaznom zabrane obavljanja funkcija u trajanju od šest mjeseci do dvije godine ili isključenjem iz nogometne/fudbalske organizacije i novčanom kaznom od najmanje 3.000 KM,
 - d) službeno lice, kaznom zabrane obavljanja funkcija u trajanju od šest mjeseci do dvije godine ili isključenjem iz nogometne/fudbalske organizacije i novčanom kaznom od najmanje 3.000 KM.

Član 85.

(Neizvršavanje obaveza u postupku licenciranja klubova)

(1) Ako klub u postupku licenciranja, falsifikovanjem dokumenata, prezentacijom netačnih podataka ili na drugi način dovede nadležni organ u zabludu ili prekrši princip povjerljivosti, kao i kada u drugim slučajevima postupa protivno odredbama Pravilnika o licenciranju klubova za učešće u takmičenju Premijer liga BiH, biće kažnjen:

- a) klub, novčanom kaznom od 2.000 KM do 5.000 KM,
- b) sportski radnik kao odgovorno lice u klubu, novčanom kaznom od 1.000 KM do 2.000 KM.

(2) Ako se prekršaj iz stava (1) ovog člana ponovi ili okvalifikuje kao teži prekršaj, biće kažnjen:

- a) klub, novčanom kaznom od 5.000 KM do 20.000 KM,
- b) sportski radnik kao odgovorno lice, zabranom obavljanja funkcije od tri mjeseca do godinu dana.

(3) Ako se prezentovana dokumentacija iz stava (1) ovog člana odnosi na dokazivanje ispravnosti objekata određenog stadiona, odigravanje utakmica na tom stadionu biće zabranjeno sve dok se ne otklone uočene nepravilnosti.

(4) Ako se u postupku licenciranja ne ispuni neki od zadatih kriterija „B“ određenih u Pravilniku iz stava (1) ovog člana, a koji ne utiču na dodjeljivanje licence, biće kažnjen:

- a) klub, novčanom kaznom do 2.000 KM,
- b) sportski radnik kao odgovorno lice, novčanom kaznom do 1.000 KM.

(5) Klub, koji nije u obavezi prolaziti kroz postupak licenciranja, ali ne zadovoljava uslove propisane propozicijama odgovarajućeg takmičenja, biće kažnjen novčanom kaznom od 1.000 KM do 3.000 KM.

Član 86.

(Neizvršavanje obaveza u postupku licenciranja za UEFA-ina takmičenja)

(1) Ako klub prekrši odredbe Pravilnika za licenciranje klubova za učešće u UEFA-inim klupskim takmičenjima, a koje se odnose na popunjavanje pozicija adekvatnim kadrovima, a koje tokom takmičarske sezone ostanu upražnjene, biće kažnjen novčanom kaznom od 1.000 KM do 2.000 KM.

(2) Ako se prekršaj iz stava (1) ovog člana ponovi klub će biti kažnjen novčanom kaznom od 3.000 KM do 5.000 KM.

IX Prekršaji u vezi sa međunarodnim utakmicama

Član 87.

(Nastup klupskog tima u inostranstvu bez odobrenja)

(1) Klub koji organizuje i odigra javnu utakmicu u inostranstvu bez odobrenja nadležnog organa, biće kažnjen:

- a) klub, zabranom igranja utakmica u inostranstvu najmanje godinu dana,
- b) sportski radnik, kao odgovorno lice u klubu, zabranom vršenja funkcije do godinu dana.

(2) Ako se prekršaj iz stava (1) ovog člana ponovi ili se okvalifikuje kao teži prekršaj, biće kažnjen:

- a) klub, oduzimanjem od 6 do 9 bodova, odnosno 6 do 9 negativnih bodova,
- b) sportski radnik, kao odgovorno lice u klubu, zabranom vršenja funkcije od godinu dana do dvije godine.

(3) Kazna iz stava (2) tačka a) ovog člana, primjenjivaće se na tim one uzrasne kategorije koji je nastupao u inostranstvu.

Član 88.

(Odigravanje utakmice u inostranstvu bez odobrenja kada se tim nalazi na turneji)

(1) Ako klub za vrijeme turneje u inostranstvu dogovori i odigra javnu utakmicu bez odobrenja nadležnog organa, biće kažnjen:

- a) klub, zabranom igranja utakmica u inostranstvu najmanje godinu dana,
- b) sportski radnik, kao odgovorno lice u klubu, zabranom vršenja funkcije do godinu dana.

(2) Ako se prekršaj iz stava (1) ovog člana ponovi ili okvalifikuje kao teži prekršaj, biće kažnjen:

- a) klub, oduzimanjem od 6 do 9 bodova, odnosno od 6 do 9 negativnih bodova,
- b) sportski radnik, kao odgovorno lice u klubu, zabranom vršenja funkcije od godinu dana do dvije godine.

(3) Kazna iz stava 2. tačka a) ovog člana primjenjivaće se na tim one uzrasne kategorije koji je nastupao u inostranstvu.

Član 89.

(Nanošenje štete ugledu NS/FS BiH i BiH tokom igranja i boravka u inostranstvu)

(1) Ako igrač ili sportski radnik – član kluba, dok boravi u inostranstvu u vezi sa odobrenom utakmicom ili turnejom, svojim ponašanjem na utakmici ili van utakmice, nanese štetu ugledu NS/FS BiH ili Bosni i Hercegovini uopšte, biće kažnjen:

- a) klub, zabranom igranja utakmica u inostranstvu do godinu dana,
- b) sportski radnik, zabranom vršenja funkcije do godinu dana,
- c) igrač, zabranom igranja najmanje 3 mjeseca.

(2) Ako se prekršaj iz stava (1) ovog člana ponovi ili okvalifikuje kao teži prekršaj, biće kažnjen:

- a) klub, zabranom igranja u inostranstvu najmanje 18 mjeseci,
- b) sportski radnik, zabranom vršenja funkcije najmanje godinu dana,
- c) igrač, zabranom igranja najmanje 6 mjeseci.

Član 90.

(Nepravilan nastup igrača na javnoj utakmici u inostranstvu)

(1) Ako je u inostranstvu na javnoj utakmici nastupio igrač koji se nalazi pod suspenzijom ili izdržava kaznu zabrane igranja za određeni vremenski period, odnosno ako nije stekao pravo igranja, biće kažnjen:

- a) klub, novčanom kaznom od 1.000 KM do 3.000 KM,
- b) sportski radnik, kao odgovorno lice u klubu, novčanom kaznom najmanje 1.000 KM,
- c) igrač, novčanom kaznom od 1.000 KM do 2.000 KM.

(2) Ako se prekršaj iz stava (1) ovog člana ponovi, biće kažnjen:

- a) klub, novčanom kaznom najmanje 3.000 KM,
- b) sportski radnik, kao odgovorno lice u klubu, novčanom kaznom najmanje 1.500 KM,
- c) igrač, novčanom kaznom najmanje 2.000 KM.

X Prekršaji službenih lica utakmice

Član 91.

(Nedolazak na utakmicu)

(1) Službeno lice utakmice, koje neopravdano ne dođe na utakmicu ili dođe na stadion, ali iz opravdanih razloga nije mogao obaviti svoju dužnost na utakmici, a nije blagovremeno otkazao nalog, biće kažnjen zabranom suđenja od 3 mjeseca do 6

mjeseci, ako je u pitanju sudija, a drugo službeno lice utakmice, zabranom vršenja funkcije od 3 mjeseca do 6 mjeseci.

(2) Ako se prekršaj iz stava (1) ovog člana ponovi ili se okvalifikuje kao teži prekršaj, učinilac će biti kažnjen zabranom suđenja od 6 mjeseci do godinu dana, odnosno zabranom vršenja funkcije od 6 mjeseci do godinu dana.

Član 92. (Nesportsko ponašanje)

(1) Službeno lice utakmice, koje se nesportski ponaša za vrijeme utakmice, biće kažnjen zabranom suđenja od 3 mjeseca do godinu dana, ako je u pitanju sudija, a drugo službeno lice utakmice, zabranom vršenja funkcije od 3 mjeseca do godinu dana.

(2) Ako se prekršaj iz stava (1) ovog člana ponovi ili okvalifikuje kao teži prekršaj, sudija će biti kažnjen zabranom suđenja od godinu dana do dvije godine, a drugo službeno lice utakmice, zabranom vršenja funkcije od godinu dana do dvije godine.

Član 93. (Nepravilno naplaćivanje troškova)

(1) Službeno lice utakmice, koje naplati troškove u vezi sa obavljenom dužnošću na utakmici u većem iznosu nego što je propisano, biće kažnjen zabranom suđenja od 3 mjeseca do 6 mjeseci, ako je u pitanju sudija, a ako je u pitanju drugo službeno lice utakmice, zabranom vršenja funkcije od 3 mjeseca do 6 mjeseci.

(2) Ako se prekršaj iz stava (1) ovog člana ponovi ili se okvalifikuje kao teži prekršaj, sudija će biti kažnjen zabranom suđenja od 6 mjeseci do jedne godine ili isključenjem iz nogometne/fudbalske organizacije, a ako je u pitanju drugo službeno lice utakmice, zabranom vršenja funkcije od 6 mjeseci do godinu dana ili isključenjem iz nogometne/fudbalske organizacije.

(3) Službeno lice utakmice je obavezno vratiti klubu razliku više naplaćenih troškova u odnosu na propisima utvrđeni iznos.

Član 94. (Izjave u sredstvima informisanja)

(1) Službeno lice utakmice koje daje izjavu o suđenju u sredstvima javnog informisanja, biće kažnjen novčanom kaznom od 1.000 KM do 2.000 KM.

(2) Ako se prekršaj iz stava (1) ovog člana ponovi ili se okvalifikuje kao teži prekršaj, učinilac će biti kažnjen novčanom kaznom od 2.000 KM do 5.000 KM.

Član 95. (Uvreda i kleveta)

(1) Službeno lice utakmice, koje na stadionu vrijeđa ili kleveće gledaoce, sportske radnike, klub ili njegove članove, a u vezi sa nogometnim/fudbalskim sportom, biće kažnjen zabranom suđenja od 3 mjeseca do 6 mjeseci, ako je u pitanju sudija, a ako je u pitanju drugo službeno lice utakmice, zabranom vršenja funkcije od 3 mjeseca do 6 mjeseci.

(2) Ako se prekršaj iz stava (1) ovog člana ponovi ili se okvalifikuje kao teži prekršaj, biće kažnjen zabranom suđenja od 6 mjeseci do godinu dana ili isključenjem

iz nogometne/fudbalske organizacije, ako je u pitanu sudija, a ako je u pitanju drugo službeno lice utakmice zabranom vršenja funkcije od 6 mjeseci do godinu dana ili isključenjem iz nogometne/fudbalske organizacije.

Član 96.
(Fizički napad službenog lica utakmice na drugoga)

(1) Službeno lice utakmice, koje prije utakmice, za vrijeme ili poslije utakmice fizički napadne igrača, drugo službeno lice utakmice, sportskog radnika ili gledaoca, biće kažnjen zabranom suđenja od 6 mjeseci do godinu dana, ako je u pitanju sudija, a ako je u pitanju drugo službeno lice utakmice zabranom vršenja funkcije od 6 mjeseci do godinu dana.

(2) Ako se prekršaj iz stava (1) ovog člana ponovi ili se okvalifikuje kao teži prekršaj, biće kažnjen zabranom suđenja od godinu dana do dvije godine, ako je u pitanju sudija, a ako je u pitanju drugo službeno lice utakmice zabranom vršenja funkcije od godinu dana do dvije godine.

Član 97.
(Obavljanje dužnosti pod suspenzijom ili kaznom)

(1) Službeno lice utakmice, koje obavlja određenu dužnost na utakmici, a nalazi se pod suspenzijom ili izdržava kaznu zabrane, biće kažnjen dvostrukom mjerom zapriječene kazne za prekršaj zbog kojeg je suspendovan, odnosno dvostrukom mjerom izrečene kazne koju izdržava, s tim da ta kazna ne može preći najveću mjeru te vrste kazne.

(2) Ako se prekršaj iz stava (1) ovog člana ponovi, učinilac će se kazniti isključenjem iz nogometne/fudbalske organizacije.

Član 98.
(Neopravdan prekid utakmice)

Sudija, koji neopravdano prekine utakmicu, biće kažnjen zabranom suđenja od šest mjeseci do godinu dana.

Član 99.
(Poništena utakmica krivicom sudije)

(1) Ako je utakmica poništena zbog bitne povrede Pravila nogometne/fudbalske igre, sudija će biti kažnjen zabranom suđenja od 6 mjeseci do godinu dana.

(2) Ako se prekršaj iz stava (1) ovog člana ponovi ili se okvalifikuje kao teži prekršaj, biće kažnjen zabranom suđenja od godinu dana do dvije godine.

Član 100.
(Netačan izvještaj sa utakmice)

(1) Službeno lice koje podnese netačan izvještaj o utakmici na kojoj je obavio svoju dužnost, biće kažnjen zabranom suđenja od tri do šest mjeseci, ako je u pitanju sudija, a ako je u pitanju drugo službeno lice utakmice, zabranom vršenja funkcije u trajanju od 3 mjeseca do 6 mjeseci.

(2) Ako se prekršaj iz stava (1) ovog člana ponovi ili se okvalifikuje kao teži prekršaj, biće kažnjen zabranom suđenja od 6 mjeseci do godinu dana, ako je u pitanju sudija, a ako je u pitanju drugo službeno lice utakmice, zabranom vršenja funkcije u trajanju od 6 mjeseci do godinu dana.

III

DISCIPLINSKI POSTUPAK

I Disciplinski organi

Član 101. **(Disciplinska komisija NS/FS BiH)**

(1) Disciplinska komisija NS/FS BiH nadležna je za rješavanje u prvom stepenu o svim prekršajima koje su izvršili:

- a) sportski radnici kada su izvršili disciplinski prekršaj postupajući u svojstvu članova organa i tijela NS/FS BiH,
- b) klubovi, igrači, službena lica utakmice i sportski radnici na utakmicama i u vezi sa utakmicama u okviru takmičenja kojim rukovode ili ih odobravaju tijela NS/FS BiH i prekršajima učinjenim u vezi sa tim utakmicama,
- c) klubovi, u vezi sa obavezama iz propisa o licenciranju klubova, Kodeksa o ponašanju članova nogometne/fudbalske organizacije ili Pravilnika o anti-dopingu NS/FS BiH,
- d) klubovi, treneri, sportski radnici i igrači, članovi klubova koji se takmiče u Premijer ligi BiH, u vezi sa obavezama utvrđenim zaključenim međusobnim sporazumima ili pravosnažnim prvostepenim odlukama nadležnih prvostepenih organa (komisija/komiteta) za rješavanje sporova ili obavezama utvrđenim pravosnažnim drugostepenim odlukama Komiteta za status igrača i transfere NS/FS BiH,
- e) klubovi, igrači, sportski radnici i službena lica utakmice u vezi sa svim ostalim obavezama predviđenim pozitivnim propisima NS/FS BiH.

(2) Protiv odluka Disciplinske komisije NS/FS BiH donesenih u prvom stepenu može se podnijeti žalba Apelacionoj komisiji NS/FS BiH kao drugostepenom organu u disciplinskom postupku.

Član 102. **(Disciplinski organi entitetskih nogometnih/fudbalskih saveza)**

(1) Disciplinski organ entitetskog nogometnog/fudbalskog saveza nadležan je za rješavanje u prvom stepenu o svim prekršajima koje su izvršili:

- a) sportski radnici kada su izvršili disciplinski prekršaj postupajući u svojstvu članova organa i tijela nogometnog/fudbalskog saveza entiteta,
- b) klubovi, igrači, službena lica utakmice i sportski radnici na utakmicama i u vezi sa utakmicama u okviru takmičenja kojim rukovode ili ih odobravaju tijela nogometnog/fudbalskog saveza entiteta, kao i utakmicama i prekršajima učinjenim u vezi sa tim utakmicama,

- c) klubovi, u vezi sa obavezama iz propisa o licenciranju klubova za učešće u takmičenjima kojima rukovode entitetski savezi,
 - d) klubovi, treneri, sportski radnici i igrači, članovi klubova koji se takmiče u entitetskim ligama, u vezi sa obavezama utvrđenim zaključenim međusobnim sporazumima ili pravosnažnim prvostepenim odlukama nadležnih prvostepenih organa (komisija/komiteta) za rješavanje sporova ili obavezama utvrđenim pravosnažnim drugostepenim odlukama komisija entitetskih saveza,
 - e) klubovi, igrači, sportski radnici i službena lica utakmice u vezi sa obavezama predviđenim pozitivnim propisima saveza entiteta.
- (2) Protiv odluka disciplinskog organa entitetskih saveza donesenih u prvom stepenu žalba se podnosi drugostepenom organu koji je određen statutom ili drugim propisima entitetskog saveza.

Član 103.

(Disciplinski organi kantonalnih, županijskih i područnih nogometnih/fudbalskih saveza)

(1) Disciplinski organ nogometnog/fudbalskog saveza kantona, županije ili područja nadležan je da u prvom stepenu rješava o svim prekršajima koje su izvršili:

- a) sportski radnici kada su izvršili prekršaj postupajući u svojstvu članova organa i tijela nogometnog/fudbalskog saveza kantona, županije ili područja,
- b) klubovi, igrači, službena lica utakmice i sportski radnici na utakmicama i u vezi sa utakmicama u okviru takmičenja kojim rukovode ili ih odobravaju tijela kantonalnog, županijskog ili područnog saveza i prekršajima učinjenim u vezi sa tim utakmicama,
- c) klubovi, treneri, sportski radnici i igrači, članovi klubova koji se takmiče u takmičenjima kojima rukovode nogometni/fudbalski savez kantona, županije ili područja, a u vezi sa obavezama utvrđenim zaključenim međusobnim sporazumima ili pravosnažnim odlukama nadležnih organa i tijela nogometnog/fudbalskog saveza kantona, županije ili područja,
- d) klubovi, igrači, sportski radnici i službena lica utakmice u vezi sa obavezama predviđenim pozitivnim propisima nogometnog/fudbalskog saveza kantona, županije ili područja.

(2) Protiv odluka disciplinskog organa iz stava (1) ovog člana donesenih u prvom stepenu žalba se podnosi drugostepenom organu koji je određen statutom ili drugim propisima kantonalnog, županijskog ili područnog saveza.

(3) Kantonalni/županijski i područni savez može donijeti propise o nadležnosti disciplinskih organa nižih stepena takmičenja od kantonalnog i područnog.

Član 104.

(Disciplinski organi klubova)

(1) Disciplinski organ kluba izriče kazne članovima kluba za prekršaje učinjene prema klubu.

(2) Ukoliko kazne zabrane igranja nisu potvrđene od nadležnog disciplinskog organa saveza koji rukovodi takmičenjem u kojem se predmetni klub takmiči, iste važe samo u okvirima kluba.

(3) Novčanu kaznu za igrača ili trenera klub može izreći u visini do 3.000 KM.

(4) Protiv odluke disciplinskog organa kluba donesene u prvom stepenu može se uložiti žalba drugostepenom organu kluba.

Član 105. (Izuzeće)

(1) Član disciplinskog organa ne može učestvovati u disciplinskom postupku ako postoji ozbiljan osnov za dovođenje u pitanje njegove nepristranosti, a naročito:

- a) ako ima direktan interes za odluku u predmetu,
- b) ako je povezan sa bilo kojom od strana u postupku,
- c) ako se ranije u bilo kakvim okolnostima već bavio predmetom.

(2) U slučaju iz stava (1) ovog člana, član disciplinskog organa je dužan o tome odmah obavijestiti predsjedavajućeg disciplinskog organa i zatražiti svoje izuzeće, a što mogu tražiti i stranke u postupku.

(3) O izuzeću odlučuje predsjedavajući disciplinskog organa, a ako se radi o izuzeću predsjedavajućeg, onda o tome odluku donose ostali članovi disciplinskog organa.

(4) Odluke, donesene u postupku u kojem je učestvovao član disciplinskog organa koji je trebao biti izuzet, ništave su.

Član 106. (Nezavisnost u odlučivanju)

(1) Disciplinski organ donosi odluke potpuno nezavisno bez bilo kakvih uputa i sugestija od strane drugoga.

(2) Član nekog drugog tijela nogometnog/fudbalskog saveza ne može prisustvovati na sjednicama disciplinskog organa ako nije izričito pozvan na istu.

Član 107. (Povjerljivost)

(1) Članovi disciplinskih organa su dužni da se prema svim saznanjima do kojih dođu tokom postupka, a naročito o činjenicama, sadržaju rasprave i odlučivanju, odnose sa naročitom povjerljivošću.

(2) Sadržaj odluka koje su saopštene i dostavljene stranama u postupku mogu biti dostupne javnosti.

II Načela disciplinskog postupka

Član 108. (Osnovna načela disciplinskog postupka)

(1) Disciplinski organ koji vodi postupak dužan je da potpuno i istinito utvrdi činjenice koje su od važnosti za donošenje odluke o prekršaju.

(2) Disciplinski postupak se vodi brzo i kratko, ograničavajući se samo na bitne činjenice, ali tako da se to ne odražava na pravilnost i zakonitost odluke koju treba donijeti.

(3) U disciplinskom postupku organ koji vodi postupak ocjenjuje dokaze po slobodnom uvjerenju sa obavezom da svaki dokaz cijeni posebno i da u vezi sa ostalim dokazima izvede zaključak o tome da li je neka činjenica dokazana.

(4) Prije donošenja odluke o prekršaju disciplinski organ će saslušati okrivljenog o predmetu zbog kojeg se protiv njega vodi disciplinski postupak, osim u slučajevima kada je ovim Pravilnikom predviđeno drugačije.

III Pokretanje i tok postupka

Član 109. (Podnošenje prijave)

(1) Prijavu za pokretanje disciplinskog postupka može podnijeti bilo koje fizičko ili pravno lice, ako u bilo kom svojstvu ima status člana saveza.

(2) Prijava se podnosi pismeno, obrazložena, uz pozivanje na odgovarajući/e član/ove ovog Pravilnika, te dostavljanje raspoloživih dokaza.

(3) Ako je prijava iz stava (2) ovog člana podnesena organu koji nije disciplinski nadležan, isti je obavezan takvu prijavu odmah, a najkasnije u roku od 5 dana, dostaviti nadležnom disciplinskom organu.

(4) Ako je službeno lice utakmice u svom izvještaju opisalo događaj koji prema odredbama ovog Pravilnika ima obilježja prekršaja, smatra se da je prijava podnesena u skladu sa stavom (2) ovog člana.

(5) Službena lica utakmice su dužna prijaviti sve prekršaje koje su uočili na utakmici, kao i druge prekršaje u vezi sa predmetnom utakmicom o kojima su obavješteni.

Član 110. (Utvrđivanje nadležnosti)

(1) Prije pokretanja postupka, disciplinski organ utvrđuje svoju nadležnost za vođenje disciplinskog postupka.

(2) Ako se disciplinski organ iz stava (1) ovog člana oglasi nenadležnim za pokretanje i vođenje disciplinskog postupka, obavezan je odmah, a najkasnije u roku od 5 dana, predmet dostaviti nadležnom disciplinskom organu.

(3) Sukob nadležnosti disciplinskih organa rješava, zajednički, neposredno viši disciplinski organ.

(4) Ukoliko je protiv prijavljenog lica pokrenut postupak pred nadležnim državnim organom, zbog istog prekršaja, to neće imati uticaja na izricanje sportskih/disciplinskih sankcija po odredbama ovog Pravilnika.

Član 111. (Odbacivanje prijave)

(1) Disciplinski organ neće pokrenuti postupak, nego će svojom odlukom odbaciti prijavu zbog sljedećih razloga:

- a) ako je prijava podnesena od neovlaštenog lica,
- b) kad radnja opisana u prijavi nije prekršaj,
- c) ako se protiv lica iz određenih razloga ne može voditi disciplinski postupak,
- d) ako nadležni disciplinski organ već vodi postupak ili je donio odluku,
- e) ako je nastupila zastara,
- f) ako uz prijavu nije uplaćena propisana taksa.

(2) Protiv odluke iz stava (1) ovog člana dozvoljena je žalba u roku od 3 dana od dana prijema odluke.

Član 112. (Rokovi)

(1) Rokovi predviđeni ovim Pravilikom ne mogu se produžiti osim kada to odredbe ovog Pravilnika izričito dozvoljavaju.

(2) Rok u disciplinskom postupku se računa na sljedeći način:

- a) ako se rok računa po danima, dan u kojem je izvršeno saopštavanje ili dostavljanje se ne računa u rok, već se za početak roka računa prvi, naredni dan,
- b) ako se rok računa po satima, kao početak računanja uzima se vrijeme u kojem je izvršeno saopštavanje,
- c) Na početak i tok roka ne utiče činjenica da su to neradni dani, ali ako posljednji dan roka pada u neradni dan, onda rok ističe sa protokom prvog, narednog radnog dana.

(3) Ako je podnesak koji je vezan za rok, zbog neznanja ili očigledne omaške podnosioca predat ili upućen nenadležnom organu prije isteka roka, pa nadležnom disciplinskom organu stigne poslije isteka roka, smatraće se da je na vrijeme podnesen.

Član 113. (Saslušavanje okrivljenog)

(1) Disciplinski organ na svojoj sjednici saslušava okrivljenog, u pravilu, tako što čita njegovu pismenu izjavu. Izuzetno disciplinski organ može zahtijevati usmeno saslušanje okrivljenog.

(2) U opravdanim slučajevima, a naročito zbog prebivališta ili boravišta, disciplinski organ može zamoliti nogometni/fudbalski savez na čijem području okrivljeni ima prebivalište ili boravište da istog sasluša.

(3) Smatraće se da je neko saslušan ako na poziv nadležnog disciplinskog organa dostavi svoju pismenu izjavu.

(4) Ako okrivljeni odbije poziv da pristupi saslušavanju ili ne dostavi pismenu izjavu u utvrđenom roku, smatraće se da je saslušan.

(5) Smatra se da su igrač koji je isključen iz igre, sportski radnik koji je za vrijeme utakmice udaljen iz tehničkog prostora, te klub i sportski radnik, kao odgovorno lice u klubu, kod prekršaja iz člana 59. ovog Pravilnika saslušani, jer se o prekršajima takve vrste može raspravljati i meritorno odlučivati na osnovu službenih akata i drugih materijala dostavljenih od strane službenih lica utakmice, te nije potrebno saslušavanje.

(6) U slučaju činjenja težeg ili ponovljenog prekršaja iz članova 62., 81. i 83. ovog Pravilnika, a u cilju postizanja adekvatnog efekta sankcije, disciplinski organ nije dužan zatražiti izjašnjenje učinioca prekršaja.

(7) Zahtjev disciplinskog organa za dostavljanje pismene izjave, te pismena izjava okrivljenog ili drugih svjedoka i stranaka dostavljaju se putem elektronske pošte.

Član 114. (Sredstva dokazivanja)

(1) Teret dokazivanja je na disciplinskom organu koji saslušava stranke i svjedoke i prikuplja druga relevantna dokazna sredstva.

(2) Činjenice sadržane u zapisniku i izvještajima službenih lica utakmice uzimaju se kao tačne, osim u situaciji postojanja tvrdnje da ono što je sadržano u zapisniku i izvještajima nije tačno, kada teret dokazivanja prelazi na stranu koja iznosi takvu tvrdnju.

(3) Ako u izvještajima službenih lica sa utakmice postoji određena nesaglasnost, a nema drugog načina da se utvrdi materijalna istina, kao tačan uzima se izvještaj glavnog sudije, dok za incidentne situacije koje su se dogodile van terena za igru, kao tačan uzima se izvještaj delegata.

(4) Za dokazna sredstva prihvaćće se raspoloživi audio i video snimci, izjave date pred drugim organima u nekom drugom postupku, kao i izvještaji i druga pismena bezbjednosnih i drugih državnih tijela.

(5) U raspravljanu određenog pitanja, a u svrhu donošenja pravilne odluke, može se iz sastava nogometnog/fudbalskog saveza pozvati relevantna osoba radi konsultovanja i davanja stručnog mišljenja.

(6) U cilju potpunog i pravilnog utvrđivanja činjeničnog stanja, disciplinski organ može od službenih lica utakmice tražiti i dopunske izvještaje.

Član 115. (Odbrana okrivljenog)

(1) Okrivljeni u toku postupka ima pravo zahtijevati da mu se predoče dokazi koji ga terete za predmetni prekršaj, osim u slučajevima predviđenim članom 113. stavovi (5) i (6) ovog Pravilnika.

(2) Izuzetno, disciplinski organ će pravo iz stava (1) ovog člana uskratiti ukoliko je potrebno zaštititi povjerljivost predmeta ili za pravilno vođenje postupka.

Član 116. (Rok za okončanje prvostepenog postupka)

(1) Prvostepeni disciplinski postupak mora biti okončan donošenjem odluke u roku od 30 dana , računajući od dana podnošenja prijave.

(2) Ukoliko postupak nije završen u roku iz stava (1) ovog člana, podnosilac prijave ima pravo žalbe drugostepenom organu, u roku od 8 dana od dana isteka roka iz stava (1) ovog člana.

Član 117. (Vrste odluka)

(1) Disciplinski postupak se završava donošenjem odluke kojom se okrivljeni oslobađa odgovornosti, odlukom kojom se postupak obustavlja ili odlukom kojom se okrivljenom utvrđuje odgovornost i izriče sankcija.

(2) Ako se disciplinski postupak vodi za više prekršaja, u odluci će se navesti za koje se prekršaje okrivljeni oslobađa odgovornosti, za koje prekršaje je postupak obustavljen, a za koje je utvrđena odgovornost i koja mu se sankcija izriče.

(3) Odluku kojom se okrivljeni oslobađa odgovornosti, disciplinski organ će donijeti ako: a) djelo koje se stavlja na teret nije prekršaj, b) ako nema dovoljno dokaza da je okrivljeni počinio prekršaj koji mu se stavlja na teret, c) postoje okolnosti koje isključuju disciplinsku odgovornost okrivljenog.

(4) Disciplinski postupak će se obustaviti ako je okrivljeni u toku postupka umro ili je trajno duševno obolio.

(5) Disciplinski organ može zastati sa postupkom, u posebnim okolnostima, kada je za meritorno odlučivanje neophodno rješavanje prethodnog pitanja ili konsultacija posebnog organa, stručnog tijela ili lica. Nakon rješavanja prethodnog pitanja, postupak će se nastaviti.

IV Troškovi postupka

Član 118. (Troškovi postupka)

(1) U odluci disciplinskog organa određuje se ko snosi troškove postupka, u kojem iznosu i u kojem roku je dužan da ih plati.

(2) Troškovi postupka padaju na teret onoga ko je kažnjen za prekršaj.

(3) Troškove postupka za prekršaj po kojem je postupak obustavljen ili je okrivljeni oslobođen disciplinske odgovornosti, snosi savez čiji je disciplinski organ vodio postupak.

(4) Onaj ko je okrivljen za više prekršaja neće snositi troškove postupka u pogledu prekršaja za koje je postupak obustavljen ili za koje je okrivljeni oslobođen odgovornosti, ukoliko je moguće te troškove izdvojiti iz ukupnih troškova.

(5) Ako je u istom predmetu više okrivljenih kažnjeno, određuje se u kom obimu će svaki od njih snositi troškove, a ako to nije moguće troškove će snositi solidarno.

V Suspenzija

Član 119. (Automatska suspenzija)

(1) Automatska suspenzija nastaje kada igrač bude isključen iz igre na utakmici i traje do okončanja disciplinskog postupka koji je hitan.

(2) Automatska suspenzija se istovremeno odnosi na nogomet/fudbal i na futsal, bez obzira u kojoj vrsti takmičenja je počinjen prekršaj zbog kojeg igrač isključen.

(3) Automatska suspenzija nastala isključenjem na javnoj utakmici automatski prestaje danom davanja izjave isključenog igrača.

(4) Nadležni disciplinski organ iz opravdanih razloga može donijeti odluku o ukidanju automatske suspenzije.

(5) Na prvenstvenim turnirima odluku iz stava (3) ovog člana može donijeti disciplinski sudija turnira, s tim što je obavezan da kompletan spis predmeta dostavi nadležnom disciplinskom organu koji će odlučiti o eventualnom pokretanju disciplinskog postupka.

(6) Automatska suspenzija se uračunava u kaznu.

(7) Igrač, sportski radnik i službeno lice na izdržavanju kazne zatvora, izrečene u krivičnom postupku, nalazi se pod automatskom suspenzijom za sve vrijeme trajanje te kazne.

Član 120.
(Suspendzija na osnovu odluke disciplinskog organa u vezi sa finansijskim obavezama)

(1) Ako klub, igrač, sportski radnik ili službeno lice utakmice, u ostavljenom roku, na osnovu pravosnažne odluke nadležnog organa ili međusobnog sporazuma ne ispuni određena finansijska potraživanja, po bilo kojem osnovu, prema drugom klubu, savezu, igraču, službenom licu utakmice ili sportskom radniku, a u vezi sa sportskim odnosima, biće suspendovan odlukom nadležnog disciplinskog organa.

(2) Suspendzija počinje da teče danom isteka ostavljenog roka za isplatu novčane kazne ili obaveze, a ukida se:

- a) odlukom disciplinskog organa čim se utvrdi da je prestao razlog suspendzije,
- b) automatski poslije izvršene uplate punog iznosa kazne ili obaveze, odnosno dospjele rate.

(3) Klub je dužan dana dostaviti obavijest o izvršenju obaveze nadležnom organu putem elektronske pošte, a u svrhu preduzimanja odgovarajućih mjera u vezi sa eventualno predviđenim utakmicama do tada suspendovanog kluba.

Član 121.
(Suspendzija na osnovu odluke disciplinskog organa u vezi sa težim prekršajima)

(1) Suspendzija na osnovu odluke disciplinskog organa može se izreći igračima, klubovima, sportskim radnicima i službenim licima utakmice, u svim slučajevima kada je za učinjeni prekršaj ovim Pravilnikom predviđena teža kazna.

(2) Suspendzija iz stava (1) ovog člana nastaje nakon isteka 24 sata od prijema odluke o suspendziji i traje 30 dana.

(3) Ako predviđene radnje zbog kojih je donesena odluka o suspendziji nisu završene iz opravdanih razloga, nadležni disciplinski organ može produžiti suspendziju za još 30 dana.

(4) Suspendzija izrečena zbog nedolaska na saslušanje prestaje nakon što pozvani pristupi saslušanju.

VI Odluke disciplinskih organa

Član 122.
(Pismena izrada odluke disciplinskog organa)

(1) Pismeno izrađena odluka o prekršaju sadrži uvod, izreku, obrazloženje, pouku o pravnom lijeku, broj i datum, potpis i pečat.

(2) Uvod odluke sadrži naziv i sastav disciplinskog organa, ime i prezime odnosno naziv i sjedište okrivljenog, prekršaj koji je predmet postupka, pravni osnov po kojem je odluka donesena i datum donošenja odluke.

(3) Izreka sadrži osnovne podatke o okrivljenom i odluku kojom se okrivljeni oglašava krivim ili se oslobađa odgovornosti ili se postupak obustavlja.

(4) Ako se okrivljeni oglašava krivim izreka će sadržavati opis prekršaja, odredbu kojom je prekršaj propisan, kaznu i način izvršenja te kazne i odluku o troškovima postupka.

(5) U obrazloženju će se iznijeti činjenice i iz kojih razloga su uzete kao dokazane ili nedokazane uz ocjenu protivrječnih dokaza, zatim razlozi zbog kojih nisu uvaženi prijedlozi u izvođenju pojedinih dokaza, olakšavajuće i otežavajuće okolnosti i razlozi ublažavanja kazne ili izricanja samo opomene.

(6) Pouka o pravnom lijeku sadrži pouku o tome ko ima pravo žalbe, da li žalba ima suspenzivno dejstvo ili ne, u kojem se roku žalba izjavljuje, kome se predaje, ko o žalbi odlučuje.

Član 123.

(Saopštavanje odluka prvostepenog disciplinskog organa)

(1) Izreka svake odluke o kazni, sa datumom od kada se kazna izvršava, mora biti objavljena u službenom glasniku saveza.

(2) Nadležni disciplinski organ dužan je kažnjenom dostaviti odluku putem elektronske pošte, uz dostavu originalnog primjerka preporučenom poštom.

(3) Rokovi u vezi sa odlukama računaju se od trenutka saopštavanja putem elektronske pošte.

(4) U složenim slučajevima dostavlja se samo izreka odluke, a kompletna odluka sa obrazloženjem može se dostaviti naknadno, ali najkasnije u roku od 15 dana od dana donošenja iste i u tom slučaju rok za žalbu počinje teći od dana prijema kompletne odluke.

(5) Ako je kažnjen jedan od timova kluba ili igrač tog kluba, odluka o kazni mora biti saopštena klubu najkasnije 24 sata prije odigravanja prve utakmice koja se računa u kaznu.

(6) Kazna zabrane igranja, kazna zabrane vršenja funkcije i kazna zabrane igranja pred gledaocima/zabrane igranja utakmica na određenom stadionu ili stadionima određenog područja/zabrane odlaska navijača na gostujuće utakmice, teče od dana saopštenja iste kažnjenom igraču ili njegovom klubu, sportskom radniku ili njegovom klubu, odnosno klubu, a ako je igrač, sportski radnik, odnosno klub bio suspendovan, kazna teče od dana kada mu je saopštena odluka o suspenziji, odnosno od dana kada je nastupila automatska suspenzija.

(7) Ostale vrste kazni se izvršavaju od dana pravosnažnosti odluke o kazni.

(8) Prvostepeni disciplinski organ po službenoj dužnosti prati izvršenje kazne.

Član 124.

(Greške u odluci disciplinskog organa)

(1) Greške u pisanju imena i brojeva, kao i druge očigledne greške u pisanju i računanju u odluci o prekršaju ispravljaju se po službenoj dužnosti ili na prijedlog okrivljenog, podnosioca prijave i Tužilaca NS/FS BiH.

(2) Ako se radi o greškama u tekstu u kojem se navode činjenice i okolnosti koje čine obilježje prekršaja, odredbe Pravilnika ili izrečena kazna, ispravljena odluka se obavezno dostavlja licima koja imaju pravo žalbe i u tom slučaju, utvrđuje se rok za žalbu od 3 dana koji teče od dana saopštavanja predmetne odluke.

VII Žalbeni postupak

Član 125. (Subjekti prava na žalbu)

Žalbu mogu izjaviti:

- a) kažnjeni,
- b) Tužioci NS/FS BiH,
- c) klub čiji je član kažnjen,
- d) podnosilac prijave.

Član 126. (Postupak po žalbi na odluku prvostepenog organa)

(1) Protiv prvostepene odluke Disciplinske komisije NS/FS BiH dozvoljena je žalba Apelacionoj komisiji NS/FS BiH.

(2) Žalba se podnosi u roku od 8 dana od prijema odluke prvostepenog organa ili od proteka roka do kojeg je prvostepeni disciplinski organ trebao okončati postupak a to nije uradio, osim u slučajevima predviđenim ovim Pravilnikom kada se utvrđuje kraći rok za žalbu.

(3) Žalba se predaje pismeno, putem pošte (preporučeno) ili elektronske pošte, prvostepenom disciplinskom organu koji će ispitati da li je žalba blagovremena, dopuštena i propisno taksirana i u roku od 3 dana cijeli predmet dostaviti drugostepenom organu na odlučivanje. Ako se žalba predaje putem pošte (preporučeno), dan predaje pošti uzima se kao datum prijema žalbe.

(4) Ako za žalbu nije uplaćena propisana taksa žalitelj će se pozvati da istu uplati u roku od 24 sata.

(5) Ukoliko se žalba podnosi u ponovljenom disciplinskom postupku, podnosilac žalbe nije dužan ponovo uplatiti taksu.

(6) Neblagovremenu, nedopuštenu ili netaksiranu žalbu prvostepeni organ će odbaciti odlukom na koju žalitelj nema pravo na žalbu.

(7) Žalbe podnesene protiv odluka prvostepenog organa odlažu izvršenje, osim u slučajevima previđenim ovim Pravilnikom.

Član 127. (Upotpunjavanje prvostepenog postupka)

(1) Kada prvostepeni disciplinski organ koji je donio odluku, povodom žalbe, ustanovi da postupak nije bio potpun u pogledu dokaza i činjenica, a to je moglo biti od uticaja na pravilnost i zakonitost odluke, on će postupak upotpuniti u granicama navoda u žalbi i donijeti novu odluku.

(2) Žalbu sa spisom predmeta, prvostepeni disciplinski organ dostavlja drugostepenom disciplinskom organu u roku od 3 dana nakon što je utvrdio da su protekli rokovi za izjavljivanje žalbi, odnosno od dana kada je postupak upotpunjen u skladu sa stavom (1) ovog člana.

Član 128.
(Odluka drugostepenog disciplinskog organa)

(1) Drugostepeni disciplinski organ će odbaciti žalbu kao neblagovremenu, nedopuštenu ili nepotpunu, ako je to propustio da uradi prvostepeni disciplinski organ.

(2) Rješavajući o žalbi drugostepeni disciplinski organ može prvostepenu odluku **potvrditi, preinačiti ili ukinuti**.

(3) Drugostepeni disciplinski organ odbiće žalbu i **potvrditi** prvostepenu odluku kada utvrdi da ne postoje razlozi zbog kojih se odluka pobija ili da nema drugih razloga zbog kojih se odluka može ukinuti ili preinačiti.

(4) Drugostepeni disciplinski organ će **preinačiti** prvostepenu odluku ako utvrdi da je sproveden postupak iako su postojali razlozi za njegovo obustavljanje, ako utvrdi da je u prvostepenom postupku činjenično stanje pravilno utvrđeno, ali da se ima donijeti drugačija odluka ili ako nađe da postoje takve povrede pravilnika koje se mogu otkloniti bez ukidanja prvostepene odluke ili da prilikom odmjeravanja kazne, odnosno određivanja troškova disciplinskog postupka nisu uzete u obzir okolnosti koje su od uticaja na pravilno donošenje ovih odluka ili ako okolnosti, koje se uzete u obzir, nisu pravilno ocjenjene, kao i kada nađe da je prvostepeni disciplinski organ pogrešno ocjenio isprave i dokaze koje nije sam izveo, a odluku je zasnovao na tim dokazima.

(5) Drugostepeni disciplinski organ će **ukinuti** prvostepenu odluku i predmet vratiti na ponovni postupak ako utvrdi da postoji povreda disciplinskog postupka koja je bila ili mogla biti od uticaja na zakonito rješavanje disciplinske stvari ili ako nađe da zbog pogrešno i nepotpuno utvrđenog činjeničnog stanja treba sprovesti novi postupak.

(6) Drugostepeni disciplinski organ će **ukinuti** prvostepenu odluku kada utvrdi da ju je donio stvarno nenadležni disciplinski organ i predmet uputiti stvarno nadležnom disciplinskom organu.

(7) Prvostepeni disciplinski organ kojem je predmet vraćen na ponovni postupak dužan je da izvede sve radnje i raspravi sva pitanja na koja je ukazao drugostepeni organ.

(8) Drugostepeni organ može samo jednom vratiti predmet na ponovni postupak prvostepenom organu, a ukoliko ovaj ne postupi po nalogu i uputama drugostepenog organa, drugostepeni organ će sam donijeti odluku u predmetnom postupku.

(9) Ako je žalba izjavljena samo u korist okrivljenog, drugostepena odluka ne smije biti izmijenjena na njegovu štetu u odnosu na pravnu kvalifikaciju prekršaja i na sankciju.

(10) Drugostepeni disciplinski postupak, **u svakom slučaju**, mora biti okončan u roku od 60 dana od dana prijema žalbe.

IV IZVRŠENJE PRAVOSNAŽNIH ODLUKA DRUGIH ORGANA

Član 129. (Odluke FIFA i UEFA)

Pravosnažne i izvršne odluke nadležnih organa FIFA i UEFA izvršava Disciplinska komisija NS/FS BiH, po zahtjevu tih organa.

Član 130. (Proširenje dejstva izrečenih sankcija)

Kod najtežih prekršaja, naročito, ali ne ograničavajući se na diskriminaciju, manipulaciju nogometnim/fudbalskim utakmicama i takmičenjima, povredu integriteta takmičenja, nesportsko ponašanje ili falsifikovanje, kada su izrečene najstrožije sankcije, NS/FS BiH može od FIFA-e zatražiti proširenje dejstva izrečenih sankcija tako da imaju međunarodni (svjetski) učinak, a u skladu sa FIFA Disciplinskim pravilnikom.

Član 131. (Odluke nadležnih komisija i komiteta)

(1) Pravosnažne i izvršne odluke nadležnih organa (komisija i komiteta), u vezi sa sporovima klub – igrač, klub – trener i klub – klub, kojima su izrečene mjere protiv klubova čiji se seniorski tim takmiči u prvenstvenom takmičenju u nadležnosti NS/FS BiH izvršava Disciplinska komisija NS/FS BiH i određuje rok za izvršenje do 30 dana, o čemu donosi odluku.

(2) Pravosnažne i izvršne odluke nadležnih organa (komisija i komiteta), u vezi sa sporovima klub – igrač, klub – trener i klub – klub, kojima su izrečene mjere protiv klubova čiji se seniorski tim takmiči u prvenstvenim takmičenjima u nadležnosti entitetskih, kantonalnih ili područnih saveza, izvršava nadležni disciplinski organ tih saveza i određuje rok za izvršenje do 30 dana, o čemu donosi odluku.

(3) Disciplinska komisija NS/FS BiH ne izvršava pravosnažne odluke redovnih sudova.

V VANREDNI PRAVNI LIJEKOVI

I Ponavljanje postupka

Član 132. (Razlog za ponavljanje postupka)

(1) Postupak koji je pravosnažnom odlukom nadležnog organa završen može se ponoviti:

- a) ako se dokaže da je pravosnažna odluka zasnovana na lažnim dokumentima;

- b) ako postoje nove činjenice i novi dokazi koji bi bili od uticaja na odluku, a za koje učinilac prekršaja ranije nije znao.
- (2) Nije dozvoljeno podnošenje prijedloga za ponavljanje postupka u slučaju odluka o suspenziji.

Član 133.
(Subjekti i rok za prijedlog)

- (1) Prijedlog za ponavljanje postupka mogu podnijeti svi subjekti prava na žalbu.
- (2) Prijedlog za ponavljanje postupka može se podnijeti najkasnije 30 dana od dana dostavljanja pravosnažne odluke.

Član 134.
(Nadležni organ u ponavljanju postupka)

- (1) Prijedlog za ponavljanje postupka podnosi se izvršnom odboru nogometnog/fudbalskog saveza čiji je disciplinski organ riješavao predmet u prvom stepenu.
- (2) Izvršni odbor nadležan za rješavanje, ako usvoji prijedlog za ponavljanje postupka, predmet će dostaviti disciplinskom organu koji je donio prvostepenu odluku na ponovno postupanje.
- (3) Prijedlog za ponavljanje postupka ne odlaže izvršenje pravosnažne odluke o kazni.

II Vanredno ublažavanje kazne

Član 135.
(Razlozi za ublažavanje kazne)

Kada postoje nesumnjivi dokazi da je izrečena kazna ostvarila svoju vaspitnu i sportsko-etičku svrhu, ili kada su se pojavile nove okolnosti nastale nakon pravosnažnosti odluke o kazni ili okolnosti koje su postojale u vrijeme izricanja kazne za koje disciplinski organ nije znao i druge okolnosti, koje bi, prema svojoj prirodi, da su uzete u obzir prilikom odmjeravanja kazne, očigledno na nju uticale da bude blaža po visini ili vrsti, ili bi izazvale oslobađanje učinioca prekršaja, može se donijeti odluku o ublažavanju kazne ili oslobađanju od daljeg izdržavanja kazne.

Član 136.
(Molba za vanredno ublažavanje kazne i organ odlučivanja)

- (1) Molbu za vanredno ublažavanje kazne može podnijeti kažnjeni pod uslovom da je proteklo 2/3 izrečene kazne.
- (2) Molba za vanredno ublažavanje kazne podnosi se putem nadležnog pravnog komiteta (komiteta ili komisije za propise) izvršnom odboru nogometnog/fudbalskog saveza čiji je disciplinski organ donio odluku o prekršaju.

VI PRELAZNE I ZAVRŠNE ODREDBE

Član 137. (Donošenje provedbenih propisa)

Izvršni odbor NS/FS BiH donosi provedbene propise neophodne za primjenu ovog Pravilnika.

Član 138. (Primjena pravilnika)

(1) Ukoliko je prekršaj počinjen prije stupanja na snagu ovog Pravilnika, primjenjivaće se odredbe Disciplinskog pravilnika donesenog 17.07.2020. godine, ukoliko su povoljnije za učinioca prekršaja.

(2) Pitanja koja nisu regulisana ovim Pravilnikom, rješavat će se u skladu sa Statutom NS/FS BiH i drugim propisima NS/FS BiH te odgovarajućim propisima UEFA-e i FIFA-e.

Član 139. (Stupanje na snagu)

(1) Ovaj Pravilnik usvojen je na sjednici Izvršnog odbora NS/FS BiH, održanoj dana 20.06.2023. godine i stupa na snagu danom objavljivanja u Službenom glasniku NS/FS BiH „Nogomet/Fudbal BiH“.

(2) Stupanjem na snagu ovog Pravilnika, prestaje da važi Disciplinski pravilnik NS/FS BiH od 17.07.2020. godine.

**PREDSJEDNIK
Vico Zeljković**